

2de Uitgawe

Inhoud

Die Skrywer

1. Wat Maak van 'n Kerk 'n Hoer of 'n Bruid?
2. Wat is vergete: Die Fundamentele, Geestelike Wet van Geregtigheid en sy Vervulling.
3. Intimiteit met Yeshua is Noodsaaklik vir die Bruid!
4. ...Laat ons dronk word van liefde (Sprenke 7:18)
5. Yeshua se Prentjie van die Hoer.
6. Wat is 'n Korporatiewe Liggaam?
7. Wat van die Korporatiewe liggaam aangaande haar Huwelik met die Lam?
8. Wat is Geregtigheid?
9. Reiniging voor Heerlikheid!
10. Elohim het met Roy gepraat en gesê:
"Jy weet hoe die seremonie plaasvind!"
11. Vier Vlekke op die aardse Liggaam van die Messias word Openbaar deur die Heilige Gees.
12. Roy het die Tabbert van Yeshua die Messias se Bruid gesien.
13. (1988) Yeshua Voorspel Sy Toekomstige Bruid!

Van die Skrywer

Hierdie is 'n versameling artikels wat 'n prentjie sal gee van die verskil tussen 'n hoer en 'n bruid – die begrip van wat 'n hoer gemeente is. Daar is herhalings in die artikels want elke artikel was geskryf om alleen te staan. Laat die Heilige Gees 'n prentjie vir jou bou soos wat jy deur die artikels lees.

Roy Sauzek



www.takehisheart.com

Vertaal en Uitgegee deur:
www.komindielaer.co.za
www.takehisheart.co.za

Gratis boek, nie te koop!



Wat maak 'n kerk 'n hoer, of 'n bruid?

Om 'hoerery' te begryp, moet besef word dit is 'n aksie. 'n **Vrou word 'n hoer genoem oor haar aksies, nie as gevolg van haar nasionaliteit of wie sy is nie.** Mense word leuenaars genoem oor hulle lieg. Nie oor hulle nasionaliteit nie. Dus sien ons dat wie 'n vrou is, het niks te doen met of sy 'n hoer of 'n Bruid is nie. **Dit kom deur haar aksies!** Hieraan kan ons sien "die kerk," na wie Elohim as 'n vrou verwys, is of 'n "Hoer" deur haar **aksies**, of 'n "Bruid" deur haar **aksies**. Let wel, in hierdie verband: **hoerery = afgodediens**.

Elohim sê Israel ('n groot getal mense) het gehoereer:

Hosea 4:15 *Alhoewel jy hoereer, o Israel, laat Juda hom tog nie skuldig maak nie! Kom dan nie na Gilgal nie, en gaan nie op na Bet-Awen nie, en sweer nie: So waar as YHWH leef!*

Elohim praat uit Sy eie mond:

Eseg 23:5 *En Ohóla het gehoereer terwyl sy my vrou was,*

Ons moet onthou dat slegs die mense wat aan Elohim behoort kan hoereer! Elohim het ook nooit gesê die ander nasies rondom Israel hoereer nie, want hulle was nie met Hom getroud nie. Alleenlik Israel kon hoereer sover dit Elohim betref. Ons praat nie in vandag se terme van ongeredde mense nie. Redding tot die ewige lewe is dus nie hier die onderwerp nie. Dit is ook nie die verskil tussen die aksies van 'n hoer, of die aksies van 'n bruid nie. Israel was destyds oor haar dade as hoer in onguns by Vader. Die volk van vandag is steeds nie binne sy wil nie, want sy hoereer nog altyd. **Hoekom? As gevolg van haar aksies.** Yeshua gaan slegs 'n gereinigde vrou beloon; 'n vrou geskik om sy Bruid te wees **deur haar dade van Bruidskap as 'n korporatiewe liggaam (verenigde groep mense).** ***Sien bl. 31 vir toepaslike verduideliking van 'korporatiewe liggaam'.***

Om die *Bruid* uit te ken, moet jy haar daad ken en om die *Hoer* uit te ken, moet jy ewe eens haar daad ken. Anders kan jy hulle nie onderskei nie, tensy jy hulle daad ken en weet watter daad is hoerery. Onthou, dit is haar daad wat bepaal of 'n vrou 'n hoer of 'n bruid is...

Wat is Vergeet:

Die Fundamentele, Geestelike Wet van Geregtigheid en sy Vervulling

Geregtigheid is 'n fundamentele daad wat die Bruid moet vervul om op die regte plek te kom om Yeshua se vrou te kan word. **Daardie 'plek' is 'n posisie van outoriteit!** Die volgende verduideliking sal ons help om te verstaan:

Daar is 'n geestelike wet wat sê geregtigheid breek sonde. Dat die profeet Daniël dit geweet het, blyk uit sy woorde aan koning Nebukadnesar. Daniel 4:27 ***Daarom, o koning, laat my raad u welgevallig wees en breek met u sondes deur geregtigheid en met u ongeregthede deur genade te bewys aan die armes...*** Indien jy 'n oorsig wou maak van al die Bybelse profete, sal jy sien **hulle het almal geweet** van dié wet. Die Bybel sê Vader self onderrig profete. Dwaars deur die Bybel stuur Elohim profete na die leiers van nasies om hulle te oortuig om daad van geregtigheid te doen weens **die krag van geregtigheid om sonde te verbreek en lewe te produseer**. Hierdie geestelike wet, die presiese saak waarvan ons nou hier praat, is (die wettige rede) waarom Yeshua se regverdige bloed die mag van sonde oor ons lewens kon verbreek! **As dit nie vir hierdie wet was nie, sou Yeshua se bloed nie ons sondes kon bedek nie.** Ja, Yeshua het die **wet van geregtigheid** vervul deur elke dag geregtigheid uit te leef. As Yeshua net een van die wette van Elohim verbreek het, sou Hy nie kon kwalifiseer om vir ons te sterf nie!

Die wet van geregtigheid word in die volgende skrifgedeelte gevind: **Spr 16:12 *Dit is 'n gruwel vir konings om goddeloosheid te doen, want deur geregtigheid word die troon bevestig.***

Wanneer na beide gemelde skrifgedeeltes gekyk word, besef ons dat indien Nebukadnesar Daniël se waarskuwing ter harte geneem het, sou dinge anders verloop het.

Die koning kon sy sondes gestaak het en so dadelik sy reg tot die troon herbevestig het, eenvoudig deur **dade van geregtigheid** – want die troon **word bevestig deur geregtigheid**.

Omdat Yeshua in volkome geregtigheid gewandel het, was Vader wettig in staat om 'n Ewige Troon vir Hom te vestig. (As gevolg van hierdie geestelike wet.)

Doop in Water

Ons moet let op wat die Bybel sê oor die wandel in geregtigheid deur Yeshua en ander. Toe Hy deur Johannes gedoop is, het Yeshua gesê “dit is nodig om alle geregtigheid te vervul”. Dus weet ons die doop in water is 'n daad van geregtigheid in Elohim se oë.

Die woord van Elohim in Psalm 112 praat oor enige man wat YHWH vrees, daarom moes en baie sekerlik het Yeshua hierdie beginsel vervul.

Gee aan die armes

Psalm 112:9 *Hy strooi uit, hy gee aan die behoeftiges; Sy geregtigheid bestaan tot in ewigheid; Sy horing (sterkte) word verhoog in eer.*

Ons sien 'n prentjie hier. Enige mens wat aan die armes uitdeel op 'n gereelde basis, het hom met geregtigheid beklee, of het geregtigheid verkry. In die boek van Handelinge blyk dit dat Cornelius iemand was wat Elohim gevrees het en aalmoese aan die armes uitgedeel het – en kyk wat het dit vir hom gedoen. **Dit het Elohim geroer!**

Petrus verduidelik dat Cornelius geregtigheid **bewerk** het.

Hand 10:34,35 *En Petrus het sy mond geopen en gesê: Ek sien waarlik dat Elohim geen aannemer van die persoon is nie, maar dat in elke nasie die een wat Hom vrees en geregtigheid doen, Hom welgevallig is.*

Wat het Cornelius gedoen?

- **Hy was Godvresend;**
- **Hy het aalmoese gegee.**
- **Hy het voortdurend gebid – was gereeld in gesprek met Elohim;**

Aalmoese

Hand 10:2 *Hy met sy hele huis was vroom en godvresend en het baie aalmoese aan die volk gegee en was altyddeur in die gebed tot Elohim.*

Aalmoese is iets soos: geld, kos, klere, ‘n **liefdesdaad**, ens. wat jy aan die armes gee. As ‘n daad van geregtigheid roer dit Vader namens jou. In Cornelius se geval het dit Elohim beweeg om ‘n engel te stuur en bonatuurlike dinge is veroorsaak (engele, visioene, ens.) om Cornelius gered te kry. Volgens Petrus het Cornelius geregtigheid beoefen... **en was altyddeur in die gebed tot Elohim.** Hierdie verhaal is ‘n perfekte voorbeeld waarom Jakobus sê in **Jak 5:16 ...Die vurige gebed van ‘n regverdige het groot krag. ‘n Man wat geregtigheid beoefen het meer krag by Elohim as iemand wat dit nie doen nie.** Let op wat die engel vir Cornelius gesê het by **Hand 10:4 ...Jou gebede en jou aalmoese** (dade van geregtigheid) **het voor Elohim in gedagtenis gekom.** Hierdie het in die Nuwe Testament gebeur. Cornelius het ‘n gedenkteken in die hemel omdat hy op aarde geregtigheid beoefen het. Yeshua het dus die grootste gedenkteken in die hemel, want Hy het voortdurend in geregtigheid gewandel.

Die wet van geregtigheid sal nooit verander of mee weggedoen word nie. Dit was duidelik in Nebukadnesar se tyd, sowel as in Cornelius se dag. Petrus het selfs van geregtigheid in die Nuwe Hemel en die Nuwe Aarde gepraat.

2 Pet 3:13 *Maar ons verwag volgens sy belofte nuwe hemele en ‘n nuwe aarde waarin geregtigheid woon.*

Dit is hoekom, toe Elohim aan my die Nuwe Hemel en die Nuwe Aarde gewys het, ek dit net kon beskryf **as lewe, so baie lewe!** Die daad van geregtigheid produseer lewe!

Spr 10:16 **Wat die regverdige verwerf, is vir die lewe;**

By **Hand. 10:38** praat Petrus van Yeshua: *...met betrekking tot Yeshua van Násaret, hoe Elohim Hom gesalf het met die Heilige Gees en met krag. Hy het die land deurgegaan, goed gedoen en almal heel gemaak wat onder die mag van die duiwel was, omdat YHWH met Hom was.*

Dit is nodig dat ons oplet dat Yeshua die heeltyd goeie dade verrig het en deel daarvan was om almal te genees wat verdruk was deur die duiwel.

Yeshua het so baie gegee, al die tyd. Dit is waarom, toe Hy Judas uitgestuur het om Hom te gaan verraai, die dissipels nie agtergekom het wat werklik aangaan nie.

Joh 13:27-29 *En nadat hy die stukkies geneem het, het die Satan in hom ingevaar. En Yeshua sê vir hom: **Wat jy doen, doen dit haastig.** 28 Maar waarom Hy dit vir hom gesê het, het niemand van die wat aan tafel was, verstaan nie. 29 Want sommige het gedink, terwyl Judas die beurs gehad het, dat Yeshua vir hom sê: Koop wat ons nodig het vir die fees; of dat hy iets aan die armes moes gee.*

Hierdie manne was so gewoon daaraan dat Yeshua vir Judas uitstuur om aan die armes uit te deel, dat dit veroorzaak het dat hulle dit gemis het wat aan die gang was. Die gedagte oor Judas wat uitgaan om iets vir die fees aan te koop het slegs opgeduik oor die fees aan die gang was.

Uit hierdie Skrifgedeeltes sien ons dat Yeshua die wet van geregtigheid vervul het, wat weer vir Vader, die wettige reg gegee het om Sy troon te vestig. **Die Bruid, as 'n korporatiewe liggaam van gelowiges, moet dieselfde wet vervul.** Sodra dit gebeur, sal Vader haar plek langs Yeshua verseker. Kan Yeshua, so rein en skoon, met 'n liggaam vol ongeregtigheid trou? 'n Gevlekte vrou wat die **kerk genoem word?** Die wet van geregtigheid sal vir ons werk net soos dit vir Nebukadnesar kon gewerk het, maar hy het verkies om nie gehoor te gee aan die woorde van die profeet nie: “bewys genade aan die armes.” Ook vir Cornelius het die beoefening van geregtigheid groot dinge gedoen. En vir Paulus, daar Yeshua vir my gesê het: “Paulus het gereeld aalmoese gegee, daarom het Vader se krag so deur hom gewerk.” ...Die gebed van 'n man wat geregtigheid doen kan groot dinge laat gebeur!

Jy kan geregtigheid vir jouself beoefen en beloon word, maar dit is nie werk wat jy doen vir Yeshua nie en ook vestig dit nie werklik aandag op Hom nie. Die opregte Bruid sal egter geregtigheid vir Yeshua beoefen en aandag op HOM vestig. Besorging van sy skatte (tiendes én offergawes) op die regte manier, naamlik in sy Naam, is die fundamentele manier om aandag op Hom te vestig.

Dis 'n manier waarop hierdie onsigbare vrou, genoem die Bruid van die Messias, die wet van geregtigheid kan vervul en sodoende die betrokke beloftes verkry.

Onthou, geregtigheid **is 'n aksie, nie 'n toestand waarin jy verkeer nie**. Die gelowiges moet hulle klee met geregtigheid (wit linne klee) voordat hulle as 'n korporatiewe liggaam (die Bruid) op die troon langs Yeshua kan sit. Dit is tyd dat sy haarself reinig en gereed kry!

Openb 19:7,8 *Laat ons bly wees en ons verheug en aan Hom die heerlikheid gee, want die bruilof van die Lam het gekom en sy vrou het haar gereed gemaak. 8 En aan haar is gegee om bekleed te wees met rein en blink fyn linne, want die fyn linne is die regverdige dade van die heiliges.*

Sy sal haarself reinig en die 'wet van geregtigheid' vervul!

Wanneer die Bruid dit gedoen het, sal sy (as korporatiewe liggaam van gelowiges) kom tot 'n posisie van gesag in die Koninkryk van Elohim. Dit is 'n plek van gesag wat die kerk in die wêreld nog nooit gesien het nie. Iemand wat president word van 'n land kom tot 'n gesagsposisie wat hy/sy nog nooit tevore gehad het nie. Daar word gesag uitgeoefen in die geesteryk, in die Koninkryk van Elohim, wat kom van verskillende posisies in die ryk. Die apostel, profeet, evangelis, leraar en herder het almal verskillende gesag in die Koninkryk. **'n Hoer** (die kerk), het weens haar hoerery geen outoriteit in Yeshua se Koninkryk nie. Geen troonskap vir haar nie!

Kan jy jou die aardse liggaam van Yeshua voorstel wat die posisie van Koningin beklee in die Koninkryk van Elohim? Kan jy jou haar outoriteit voorstel as Koningin? Hierin sien ons die belangrikheid daarvan om die geestelike wet van geregtigheid te vervul as 'n liggaam van gelowiges.

'n Koningin sit op 'n troon!

Spreek 16:12 *Dit is 'n gruwel vir konings om goddeloosheid te doen, want deur geregtigheid word die troon bevestig.*

Intimiteit met Yeshua 'n moet vir die bruid!

'n Bruid (getroue vrou) is slegs met haar man intiem. Maar 'n hoer is intiem met baie mans. Yeshua het dit ook aan my in 'n visioen duidelik gemaak dat die kerkleiers nie intiem met Hom verkeer nie; deur hulle daad is hulle intiem met die wêreld. Dit is so omdat baie kerkleiers nie verstaan hoe die Heilige Gees leer nie (deur geestelik met geestelik te vergelyk.) **I Kor. 2:13** Ons was almal hieraan skuldig. **Elohim moes eers vir my die verskil leer.** Ons moet begryp dat dit die kerkleiers is wat die liggaam van Yeshua op aarde 'n Hoer of Bruid kan maak.

I Kor 6:15 *Weet julle nie dat julle liggame lede van Messias is nie? Sal ek dan die lede van Messias neem en dit lede van 'n hoer maak? Nee, stellig nie! 16 Of weet julle nie dat hy wat 'n hoer aanhang, met haar een liggaam is nie? Want die twee, sê Hy, sal een vlees wees.*

Paulus verklaar dat hy (as geestelike leier) in staat is om die lede van die Messias lede van 'n hoer te maak, want dit is die aksies van leierskap wat bepaal of iemand 'n Hoer is of 'n Bruid – dit is 'n moet dat die leierskap slegs intiem met Yeshua verkeer, soos 'n getroue vrou moet wees.

Die volgende visioen sal 'n prentjie van die probleem skilder. Die visioen is die oordeel van Yeshua en nie myne nie.

*Ek was op die verhoog en Yeshua was by my. Daar was 'n houtesel met 'n groot wit bord tussen ons. Voor Yeshua en 'n paar trappe laer, was mans in pakke geklee, wat in gewone stoele gesit het. Yeshua het aan hulle 'n Woord verskaf en het gereedgestaan, met 'n merkerpen in die hand, om die Woord wat Hy aan hul gegee het te verduidelik. **Nadat hul die Woord van Yeshua ontvang het, het die manne egter na mekaar toe gedraai en oor die Woord wat Yeshua aan hul gegee het begin praat...** Ek het Yeshua geduldig gesien wag vir die manne om **na Hom terug te draai** sodat Hy die oorspronklike Woord kon verduidelik. Hulle het nie, en **het aangehou steun op hul eie begrip.** **Hy het 'n hele ruk gewag.** Toe sien ek Yeshua word kwaad. Hy het voor die esel verby beweeg, in my rigting. Ek het teruggetree, omdat ek Sy woede gesien het en nie geweet het wat Hy wou doen nie. Terwyl Yeshua voor die esel verby beweeg het, het Hy skielik twee meganiese voorwerpe in Sy hande gehad.*

Dit was asof die twee voorwerpe van die esel af gekom het. Dit was wat Hy aan die mans wou verduidelik. Hy het die twee voorwerpe teen my bors gestamp en gesê: “Jy’s die enigste een wat wou luister!” Die krag het my byna agteroorgegooi. Ek het agteruit gestruikel terwyl ek probeer het om my balans te behou, met die gewig van die twee meganiese voorwerpe in my arms.

Glo my, dit was hoe ek dit persoonlik ervaar het! Die twee meganiese voorwerpe wat Hy aan hierdie mans wou verduidelik was “meganika van redding” en “meganika van tiendes.” Ek weet van verskeie welbekende manne wat ‘n woord van Yeshua ontvang het wat aandui dat daar ‘n probleem met mense is wat nie by hul altare gered word nie. Ek was ook vertel van ‘n populêre man aan wie Yeshua ‘n woord gegee het aangaande tiendes. Al hierdie manne het op hul eie begrip van die woord wat hulle van Yeshua ontvang het staat gemaak.

In die visioen is dit maklik om die daad van ‘hoerery’ te sien wat hierdie mans gepleeg het: intimiteit (‘n tipe omgang) met mekaar. Die inligting, **hulle begrip daarvan** wat versprei is deur die hele versameling van mans in die visioen, was ‘n produk van hulle begrip van die Woord van Elohim, en nie die waarheid nie. ‘n Getroude bruid is slegs intiem met haar man, simbolies vir Yeshua, die Bruidegom. Sy ontvang al haar begrip van Hom, sy doen wat Hy verlang en sy doen dit op sy manier. Hierdie visioen behoort aan almal ‘n helder beeld te gee van hoe ons intiem met Hom moet wees. Die toneel van die mans in hulle stoele wat op mekaar steun vir begrip, eerder as na Yeshua toe, is ‘n perfekte voorstelling van ‘n daad van hoerery. Yeshua het geduldig gewag en **wou die begrip gee**. Wat ‘n skande. Daar is meer mense in die hel op hierdie oomblik as gevolg van hierdie daad van hoerery (wat werklik gebeur het); wat verklaar waarom Elohim die volgende met Sy eie mond sê:

Haar huis is weë na die doderyk,.... (Sprenke 7:27)

Om binne hoorafstand van Yeshua te wees, maak jou nie intiem met Hom nie. **Net oor jy Hom kan hoor, maak jou nie intiem met Hom nie!** Om die Heilige Gees te sien werk, om die Gawes van die Heilige Gees te sien opereer, is nie intimiteit met Yeshua nie! Mense ontvang deurentyd gawes, maar hulle is nie altyd intiem met die Skenker van die gawes nie.

Om 'n voorbeeld te noem: Kom ons sê jy was in 'n suidelike rigting aan die een kant van die straat onderweg – met mense om jou – en Yeshua was oorkant die straat, ook suidelik aan die beweeg. Hy skree 'n woord aan jou oor die straat heen en jy ontvang dit, tussen al die mense. 'n Woord van Yeshua af is 'n gawe. Jy het 'n keuse om enersyds aan die mense om jou te vertel wat Yeshua gesê het en dan te bespreek dit wat Hy gesê het, leunend op menslike begrip, of jy kan die straat oorsteek en saam met Yeshua stap totdat Hy in sy wil aan jou die begrip gegee het. Uit die aard van die saak weet Hy wat dit beteken wat Hy aan jou geskree het, nie die mense op straat om jou nie!

Die gawes word alles volgens Sy wil gegee – **MET 'N DOEL!** **Daarom moet jy met die gedagte speel oor** “Waarom het Hy gesê wat Hy gesê het?” En daardie ‘waarom’ word alleenlik deur Hom openbaar met die volle begrip agter dit wat Hy gesê het.

Byvoorbeeld: As Yeshua vir jou sê dat daar mense is wat nie by jou altaar gered word nie, sal jy, of moet jy by Hom uitvind of op jou eie insig staatmaak? Hoe dikwels openbaar Elohim nie iets aan ons nie, maar dan vertolk ons dit **volgens ons eie begrip** en gaan dan maar weer voort op die lewenspad. **Dit is nie intimiteit met Yeshua nie.**

...Laat Ons Dronk word van Liefde **(Spreuke 7:18)**

Is die boodskap wat vandag se kerke verkondig, ooreenstemmend met die gedagtes wat Jona gehad het wat bygedra het tot sy ongehoorsaamheid?

Nadat Jona uit die vis gekom het, het Elohim hom weer gesê om na Nineve toe te gaan. Hierdie keer het hy in gehoorsaamheid gegaan en die woord van YHWH gebring. Die mense het hul sonde bely en Elohim het sy toorn afgewend. In hierdie gebed kan ons sien wat Jona oor Elohim gello het.

Jona 4:2 ...want ek het geweet dat U 'n genadige en barmhartige Elohim is, lankmoedig en groot van goedertierenheid, en Een wat berou het oor die onheil.

Jona het geweet dat Elohim genadig, barmhartig, stadig is om kwaad te word en goedertierend is.

Dit is waar, maar al hierdie eienskappe is aan die “liefdeskant” van die Evangelie. Dit is waarom hy die durf gehad het om in die eerste plek weg te hardloop en ongehoorsaam te wees. Wat homself betref, ‘n dienaar van Elohim, het Jona vergeet van die “Elohim van oordeel”? Nou mag jy vra: “Watter verskil het Jona se ongehoorsaamheid tog gemaak, aangesien hy uiteindelik wel gehoorsaam was?”

Laat ek die vraag wat Elohim aan my gevra het, in die tyd toe Hy my geleer het van Jona se ongehoorsaamheid, met julle deel: **“Wat van daardie mense wat gesterf het in die tydsverloop tussen Jona se ongehoorsaamheid en sy uiteindelijke gehoorsaamheid?”**

Ek weet daardie mense het geen kans gehad om berou te hê nie en hulle bloed was aan Jona se hande. Ek weet liefdesboodskappe van die kansel af is iets wat ons almal graag wil hoor en ons sal selfs kilometers vêr ry om daarna te gaan luister. Dit bou kerke – net soos die ‘*prosperity*’ boodskappe doen.

MAAR!

Die lering en prediking in die kerk oor Elohim se liefde het heeltemal **buite verhouding** met die lering en prediking oor die res van Elohim se persoonlikheid geraak. Dit het vir my ‘n werklikheid geword na dit wat ek in die hemel gewys was. Uit liefde het Vader ‘n weg na redding geskep deur sy Seun, maar dit verander nie die reëls nie! Ek was iemand wat geglo het Elohim se liefde oorskadu net mooi alles. Maar toe ek in die hemel was het ek Yeshua se verskriklike hartseer gesien oor een gelowige vrou in die verderf. Elohim se volmaakte liefde het nie die waarheid oorheers van die rede waarom sy daar was nie. **Waarheid was die beheerende faktor nie liefde nie.** Indien dit so was, dan sou Yeshua haar betyds uit daardie marteling gered het.

Ek het daar gestaan in die geloof dat Elohim alles kan doen; per slot van rekening is niks vir Hom onmoontlik nie. Ek het selfs sover gegaan om vir Yeshua te vra om die vrou uit die verderf te red! Ek het werklik vas geglo Hy sou dit doen. My **opregte, vaste geloof** het nie die **waarheid** oorskadu oor waarom die vrou daar was nie. **Waarheid was die beheerende faktor.** **Waarheid** is wat seëvier in die koninkryk van Elohim, ongeag wat ons glo. **Yeshua het gesê die waarheid sal jou vrymaak, nie die liefde nie!**

Wat ek geglo het die waarheid is, het geen waarde in die hemel gehad nie. Ook was my liefde of Yeshua se liefde vir daardie dame in die verderf, nie voldoende nie. Ons liefde was daar, maar dit was nie die beherende faktor nie. Elohim se Woord sê ons moet alle dinge beproef, maar tog is daar miljoene en miljoene gelowiges wat ongetoetsde dinge glo en doen! Hulle glo wat hulle wil glo, maar dit sal nie bly staan in die die hemel nie. **Slegs die WAARHEID oorskadu en seëvier daar. En die waarheid wat ek daar ervaar het, is reeds gevestig met die grondlegging van die wêreld!** Dit is op geen manier ooit verander of gewysig nie. Wat Yeshua kom doen het was ook reeds bepaal met die grondlegging van die wêreld. Hy het dit deur gehoorsaamheid volkome uitgeleef. Jare gelede het Elohim vir my gesê dat ek 'n profeet is, of ek daarin wandel of nie. Dit openbaar my roeping en wat oor my in die hemel opgeskryf is vanaf die grondlegging van die wêreld. My ontkenning daarvan sal glad nie verander wat daar opgeskryf is nie.

Hierdie is 'n waarskuwing aan diegene wat nie op Elohim se roeping vir hulle lewe gereageer het nie, wat dit ontken of dink dat Elohim hul daarvan onthef het: "Pasop!" Die gawes en roepings van Elohim is sonder berou. Jy was gekoop en voor betaal deur Yeshua aan die vloekhout. Hy het jou gekies – jy het Hom nie gekies nie! Jou doelwit in hierdie lewe was bepaal vanaf die grondlegging van hierdie wêreld en wanneer jy in die hemel kom, **gaan jy met hierdie waarheid gekonfronteer word. Elohim het nie van besluit verander nie!** Wat jy ook al glo die waarheid is oor jou roeping, of wat ook al jou verskoning is, sal geen verskil maak aan wat Elohim gevestig het van die grondlegging van die wêreld af nie. Wat daar neergelê was is onveranderbaar deur jou denke (dit wat jy glo) oor die saak. Sy liefde vir jou sal nie jou reeds gevestigde roeping oorskadu nie. Toe Vader in Sy toelatende wil aan Israel hulle eerste koning (Saul) toegestaan het, het dit niks aan die feit verander dat hulle nie veronderstel was om 'n ander koning te hê as Elohim self nie. Vader wil dat jy gehoorsaam sal wees aan sy roeping vir jou, maar Hy laat dit aan jou oor. **Wat in die hemel geskryf en bepaal is, is 'n wetlike saak** en Vader se liefde verander dit nie. Indien jy Elohim se doel met jou mis, is dit op jou eie verantwoordelikheid. Wanneer jy in die hemel is en Hy swaai sy arm sodat 'n toneel van die hel kan oopgaan, gaan jy mense daar sien wat jy veronderstel was om aan te raak met jou roeping terwyl jy hier op aarde was? Ek hoop nie so nie!

Yeshua het elke jota en tittel volbring wat Vader van Hom verwag het. Sy dade het staande gebly in die hof van die hemel. Dit moes wettig wees Dit is waarom daar in Heb. 9:16,17 staan:

Want waar 'n testament is, moet noodsaaklik die dood van die testamentmaker aangekondig word; 17 want 'n testament is geldig by sterfgevalle, aangesien dit nooit van krag is so lank as die testamentmaker nog leef nie.

Dit is 'n wetlike feit dat jou testament nie van krag is voordat jy dood is nie. Daarom moes Yeshua sterf sodat ons die Ewige Lewe kan beërwe. Hy het boonop gesê niemand kon sy lewe neem nie, Hy het dit vrywillig gegee. Waarom? Sodat sy daad van ons verlossing wettig kon wees in die hemelse hof. Christene sing: "We are marching to Zion," ens. Het jy geweet dat die Berg Sion die plek is waar Elohim Sy **wetlike rekords** hou?

Die dade van die vrou wat georden is om die Bruid te wees, moet ook wetlik kan bly staan in die hemelse hof vir haar om wel 'die Bruid' te kan wees. Die hoer kerk sal nie die Bruid kan wees nie; weens haar dade kwalifiseer sy nie. Elohim het vanaf die Tuin van Eden alles wetlik gedoen, sodat dit sou bly staan in die hemelse hof. ***Suiwer waarheid is altyd die beslissende, oorheersende faktor.*** Wat die Bruid moet wees, was bepaal met die grondlegging van die wêreld. Elohim maak nie die reëls soos tyd aanstap nie, ook vra Hy nie die raad van kerkleiers en geredde mense nie – alles is lankreeds bepaal. Dit gaan oor onderrig en die leer van wat die aksies van 'n hoer is en die aksies van 'n bruid. Die Bruid moet vlekkeloos wees en sy sal vlekkeloos wees! **Word wakker, kerk!**

In die boek Openbaring praat YHWH se Woord van hulle wat nie deel van die Bruid kan wees nie. Een aspek is verwronge liefde: **Openb. 22:15 ...Maar buite is die honde en die towenaars en die hoereerders en die moordenaars en die afgodedienaars en elkeen wat leuens liefhet en doen**. Daar is 'n liefde met die eindresultaat: die doen (skepping) van 'n leuen. Die gevolge van die ongebalanseerde 'liefdesbeweging' in die kerk en afwesigheid van Elohim se waarheid, was die rede waarom ek vanuit die hemel 'n gelowige in die verderf gesien het. Elohim het eendag vir my gesê: **"Jy lieg aanmekaar, net om nie aanstoot te gee nie."**

Dit was natuurlik waar, maar daar is diegene van die 'Liefdesbeweging' wat sal sê ek het dit nie van Elohim gehoor nie, want dit was krities! Maar dit was nie krities nie, **dit was die waarheid**. Yeshua het net die waarheid gepraat en so baie mense aanstoot gegee, maar Hy het hulle liefgehad deur vir hulle die **waarheid** te vertel. Liefde en waarheid is onafskeidbaar in Elohim se realm. Elohim is waarheid én Elohim is liefde. Die vleklose Bruid sal vol waarheid en ook liefde wees en nie vol van die aksies van 'n hoer nie.

'n Hoer word herken aan haar daade. Oral waar Elohim die gedagtes en daade van 'n hoer openbaar, verteenwoordig dit diegene wat die gedagtes en daade van 'n hoer het. Kyk wat sê Vader hoe 'n hoer dink en praat: **Spreek 7:18 kom, laat ons dronk word van liefde tot die môre toe, laat ons mekaar vrolik maak in welluste. 19 Want die man (Yeshua) is nie tuis nie, hy het ver weg op reis gegaan, 20 die geldbeurs het hy met hom saamgeneem, teen die dag van volmaan (bestemde tyd) sal hy eers tuis kom.**

Hierdie hoer verwag die terugkeer van die Hoof van die huis – **Yeshua** – en let op haar woorde terwyl Hy nog weg is: “...**laat ons mekaar vrolik maak in welluste.**”

Yeshua is liefde, maar Hy is ook die Waarheid, die Lig en die Weg! Liefde wis nie uit, of oorskadu nie die waarheid wat YHWH reeds gevestig het nie. Daardie waarheid is die vermoë van Elohim om jou lig te gee op die smal weg waarvan Yeshua gepraat het – wat na die lewe lei. Die oordadige 'liefde' prediking veroorsaak by mense 'n wanbegrip en versnel ongehoorsaamheid aan Yeshua.

Kyk na dié toneel aangaande Moses: Hy slaan 'n rots in ongehoorsaamheid aan Vader, dus word hy nie toegelaat om die Beloofde Land in te gaan nie. Die 'Liefdesbeweging'-mense van vandag glo dat Vader se liefde daardie een klein 'foutjie' sou oorskadu het (om die rots te slaan i.p.v. te praat). Want kyk net wat het Moses tog alles gedoen in sy gehoorsaamheid aan YHWH! Kyk net die wonderwerke wat Vader gedoen het deur Moses se geloof! Die meeste van die oorspronklike Israeliete wat Egipte verlaat het, het nie die Beloofde Land ingegaan nie deur hulle *ongehoorsaamheid* ten spyte daarvan **dat hulle wonderwerk na wonderwerk gesien het**. Sou Vader so opgetree het as Hy 'n Elohim van slegs liefde was?

Vader het Adam en Eva uit die tuin van Eden gesit oor een daad van ongehoorsaamheid...

Die liefdesboodskappe gee mens die indruk dat ons enige iets kan doen en daarna net om vergifnis vra, want – Vader sal bonatuurlik die resultate van ons ongehoorsaamheid uitwis. Dit is nie die geval nie. Daar is nog altyd Vader se eie geestelike wette – gekoppel aan die waarheid. As 'n vrou owerspel pleeg, swanger raak en dan opreg om vergifnis vra, sal sy vergifnis ontvang, maar **sy sal steeds die gevolge dra van haar ongehoorsaamheid**: 'n baba en al die verwante hartseer. Sou iemand moord pleeg en gevang word, mag opregte berou voor Elohim vir hom vergifnis bring, maar hy sal steeds sy straf moet uitdien. Die waarheid bly seevier: 'n gevonnisd moordenaar sal gestraf word, ongeag Vader se liefde.

Ons lewe saam met die gevolge van 'n hoerkerk in die wêreld. As die kerk opgetree het soos 'n bruid, of 'n vrou van Yeshua, sou die wêreld 'n ander plek gewees het. Die vroeë gemeentes het soos 'n Bruid opgetree en hulle het die wêreld van daardie tyd verower en dit begin verander. Daardie gemeentes het ongelukkig in ongehoorsaamheid verval net soos Israel in die Ou Testament. Elohim wag steeds op hierdie vrou, die kerk, om haarself reg te ruk. **Sy moet haarself voorberei vir die huwelik (Openbaring 19:7)**
Dit is tyd!

Het die oordadige liefde jou onbewustelik geaffekteer en jou aan die slaap gesus? Beskou redding. Die oordadige liefde het Christene dinge laat dink soos: “Ek glo eenvoudig nie dat mense in die oerwoude en ander onderontwikkelde plekke sal hel toe gaan oor hulle nog nie van Yeshua gehoor het nie. Wat van sulke mense wat in geregtigheid lewe? Gaan hulle dit nie behaal nie? Wat van mense wat goeie, ordentlike lewens gely het? Ag wat, dis in die haak! Ons sal almal daar kom, eendag, op een of ander manier.

Spr. 7:18 *...kom, laat ons dronk word van liefde tot die môre toe, laat ons mekaar vrolik maak in welluste.*

Hierdie Skrif het ons bekruip en ons aan die slaap gesus. Weet ons wat ons sê? Ons sê Elohim het gefouteer deur te sê die mens het 'n Redder nodig. Ons sê Yeshua is gekruisig vir niks. Ons maak 'n bespotting van alles wat Elohim gedoen het sedert die val van die mens. Die Bybel sê:

Efes 2:8,9 *Want uit genade is julle gered, deur die geloof, en dit nie uit julleself nie: dit is die gawe van God; 9 nie uit die werke nie, sodat niemand mag roem nie.*

Dit skakel voorbeeldige lewens (werke/dade) uit as voorwaarde vir die ewige lewe. Vader sê dat Hy sy Seun gestuur het sodat die wêreld deur HOM gered kan word, nie deur werke nie. Ontwaak, mnr. Christen! Ons is aan die slaap gesus deur oormatige liefdesboodskappe en ons maak Elohim tot leuenaar! Dit klink erg, maar dink daaroor! Die liefde lerings, sonder die res van die persoonlikheid van Elohim daarin, het hierdie tipe denkwyse laat insypel by die kerk dwarsoor die wêreld. Dit is die hoof versneller van ongehoorsaamheid. Ek het net 'n puntjie aangeraak van die probleme wat deur hierdie wanbalans veroorsaak word, maar ek hoop jy sal die prentjie begin sien.



Elohim se Prent van die Hoer

Yeshua sê: “Niemand kan haar sien as Ek haar nie openbaar nie!”

Op **25 April 1996** het Elohim deur 'n ander persoon met my gepraat. “Jy moenie ligtelik opneem die dinge wat Ek jou in die verlede geleer het nie.

Jy moenie ligtelik opneem die dinge wat Ek jou in die nag gewys het en wat Ek nou besig is om jou te leer nie.”

Elohim was besig om die toneel gereed te kry vir wat Hy op die punt was om aan my te openbaar. Dit is duidelik dat Hy seker gemaak het dat ek **nie die belangrikheid onderbeklemtoon** van wat Hy my tevore geleer het en **wat Hy my nou wou wys nie.**

As dit so belangrik vir my was is dit net so belangrik vir jou! **Dit is belangrik vir Vader dat ons verstaan sodat die Bruid op aarde gevestig sal word!**

'n Paar dae na ek bogenoemde boodskap ontvang het, het Yeshua vir my gesê: “**Ek het 'n prent van die hoerkerk dwarsdeur die Bybel geskilder.**” Ek het gedink: “AG, Vader! Dit is nie iets wat ek wil weet nie!”

Nogtans het ek in gehoorsaamheid op my rekenaar begin Skrifte bymekaar maak wat die woord “hoer” bevat en Yeshua het my begrip verhelder terwyl ek gelees het. Ek het in verbasing gesit oor die prent wat besig was om voor my oë te ontvou.

Toe het Yeshua vir my gesê: **“Daar is geen bediening op aarde wat nie ‘n daad van hoerery pleeg nie!”** Luister goed. **Wanneer Yeshua verskyn gaan Hy nie ‘n gevlekte kerk beloon nie**, nog minder gaan Hy een beloon wat daad van hoerery pleeg.

Soos julle reeds in ‘n vorige boek gelees het, het Yeshua aan my die Bruid se tabberd gewys. Dit was op aarde, nie in die hemel nie. Yeshua het openbaar dat niemand in die hemel in die huwelik uitgegee word nie. Die bruilof van Yeshua met sy gemeente vind op aarde plaas, nie in die hemel nie. **Dit moet op aarde plaasvind om in die hemel gevestig te wees, net soos die kruisiging op aarde moes geskied om in die hemel te vestig wat gevestig moes wees.** Wat op aarde gebeur, is gevestig in die hemel. Yeshua het self gesê dat wat jy ook al op aarde mag bind of losmaak, in die hemel gebind of losgemaak sal wees. Die huwelik van die gemeente met Yeshua moet op aarde gebeur om wettige dinge in die hemel te vestig en dit is ook instrumenteel in die bevryding van die mens. Die gemeente is Yeshua se verteenwoordiger op aarde. Yeshua se hande en voete. Sy moet glorieryk word op aarde en in Sy oë. Yeshua se gemeente moet glorieryk op AARDE wees, nie in die hemel nie. Hy het nie ‘n glorieryke gemeente in die hemel nodig nie want almal in die hemel doen die wil van Elohim! Die kerk op aarde het tans geen glorie nie, want dit funksioneer *binne* die begrip, doktrines en idees van mense oor wat sy is en wat sy moet doen. **Sy is ‘n hoer!**

Ek wil hê dat jy die vel aan jou arm knyp. Kyk nou daarna. Dit is nodig dat jy besef jy is nie anders as wat Johannes die dooper was nie. Jy is ook nie anders as Moses nie. Hulle was van vel en been soos jy. Jy is ook nie verskillend van die man wat gestenig was omdat hy ongehoorsaam was aan Elohim nie en veroorsaak het dat ‘n nasie 35 lewens verloor het as gevolg van sy ongehoorsaamheid. Hierdie mense was almal **van dieselfde nasionaliteit**, een was ongehoorsaam en die ander gehoorsaam. **Dit was die verskil.** Wat Elohim oor ons sê het te doen met wat ons doen, ons aksies, nie wie ons is nie. Byvoorbeeld: sien voor jou enige vrou wat verloof raak aan ‘n man. Van die oomblik af wat sy verloof geraak het, bepaal haar aksies of sy werklik getrou is aan haar verloofde. Haar aksies bepaal of sy ‘n hoer of ‘n bruid is teenoor haar toekomstige eggenoot.

Onthou, 'n vrou word 'n bruid genoem nog voor die huwelik voltrek is. Die gemeente (kerk) was gebore en verloof aan haar man by die kruis as 'n korporatiewe liggaam (verenigde groep persone wat gemagtig is om as een op te tree).

Yeshua het sy aanstaande Bruid nog steeds lief, alhoewel sy onbewustelik op hierdie presiese oomblik besig is om te hoereer. Wanneer ons praat van die hoer, praat ons nie van sonde, of van gered of ongered nie. Jy, as 'n gelowige, kan goddeloos genoem word a.g.v. 'n goddelose daad. Dit verander nie wie jy is nie. Die benaming "goddelose" kom van jou daad. En jy moet besef dat Yeshua jou steeds lief het ten spyte van enige goddelose daad wat jy gepleeg het. Hy haat slegs die daad (van hoerery), **hoofsaaklik weens die vrugte daarvan**. Yeshua veroordeel niemand nie, maar as ons doen wat Hy beskou as die daad of aksies van 'n hoer, is ons 'n hoer! Dit geld vir die kerk (korporatiewe liggaam) situasie ook. Ten spyte daarvan het Yeshua sy mense steeds lief. **Hou hierdie woorde in gedagte sodra ek aan jou die hoer ontbloot.**

Yeshua se prent (van die hoer) wys aan ons dat alleenlik geredde mense teen Hom kan hoereer. Niemand in die wêreld kan teen Yeshua hoereer nie, behalwe sy eie mense. Dit gebeur deur ons daad as individue én as korporatiewe liggaam van gelowiges. Dit terwyl Vader sê: **"Ek het jou beskerm. Ek het jou al die tyd liefgehad. Ek het aan jou gawes gegee. Ek het jou silwer verdubbel."** Ons moet besef hoeveel Hy sy mense op aarde liefhet ten spyte van hulle hoerery. Maar daar kom 'n tyd wanneer Vader sal sê: **"Ek gaan jou lewe van hoerery ontbloot. Ek gaan jou ontklee en blootstel."** Hy sal eenvoudig sê: "NIE MEER NIE!" Omdat Hy 'n Elohim is van waarheid en regverdigde oordeel.

Ek wil iets met jou deel wat gebeur het in die week wat Vader vir my gewys het wie die Hoer van Openbaring is. Nadat Hy sy prent van die Hoerkerk in die Bybel aan my openbaar het, het ek twee dae by my rekenaar deurgebring terwyl ek probeer het om dit op skrif te stel. Op die dag wat Elohim dinge aan my openbaar het, kon ek nie aan die slaap raak nie. Ek het uiteindelik om 3 uur die oggend opgestaan. Toe het ek iets gedoen wat die Bybel sê ons almal doen. Ek het in ontkenning verval. Die Bybel maak melding daarvan dat wanneer ons die waarheid hoor, ons ontstig raak. Wel, dit is meestal 'n feit! Ek het beleef hoe 'n hele spul mense ontstig raak eenvoudig omdat hulle 'n waarheid gehoor het wat hulle nie werklik wou gehoor het nie. Ek het geweet en begryp wat Yeshua besig was om te sê, maar die neerskryf daarvan in swart op wit het veroorsaak dat ek dit begin ontken het.

Ek het in ontkenning verval, **hoofsaaklik omdat ek nie wou deel met dit wat Elohim my gewys het nie!** Ek het gesê: “Yeshua, dit kon tog nie U gewees het wat dit aan my gewys het nie!” Maar Yeshua het met my oor die saak gedeel en my laat verstaan dat ek beslis van Hom gehoor het. Ek was ontsteld, maar regtig, daar was geen rede om te wees nie.

Jy sien, die bruilof van die kerk en die Lam is vir ‘n sekere vasgestelde tyd. **Die tyd is nou!** Die kerk en alles oor die kerk, is soos dit is. En totdat Elohim ons uit hoerery uitneem is ons in hoerery. Tot dit weg is, **is dit nie weg nie**. Hy het begin om ons daaruit te vat. Sal die kerk werklik inbeweeg in ware reiniging as ‘n korporatiewe liggaam ter voorbereiding van die huwelik met die Koning van die Konings? In die boek Openbaring is dit duidelik dat die verloofde vrou, die kerk, haarself moet gereedmaak vir die huwelik! (Openbaring 19:7)

Op my rekenaar het ek dus alle Skrifgedeeltes wat die woord “hoer” bevat, bymekaargebring en hulle begin lees. Tot my verbasing het ek agtergekom dat ek nie nodig het om die verhale rondom daardie Skrifgedeeltes te verstaan – om die prent te kan verstaan wat Elohim besig was om aan my te wys nie. Hy was eenvoudig besig om ‘n muurskildery te maak van die toneel wat elke Skrifgedeelte uitgebeeld het. Wanneer ‘n kunstenaar ‘n skildery skilder, spring hulle rond met klein stukkies detail totdat die hele skildery geleidelik gebore word. Jy kan nie die prentjie uitmaak met slegs ‘n paar stukkies sketsies daarin nie. *Daarom is dit nodig dat jy al die inligting in al die boekies lees om die volle prentjie te verstaan!*



Alleenlik Elohim se mense kan die hoer speel!

Eseg. 23:5 En Ohóla het gehoereer terwyl sy my vrou was, en het gesmag na haar minnaars...

Die toneel: Iemand wat aan Yeshua behoort en hoereer.

Hosea 4:15 As jy hoereer, o Israel, laat Juda hom tog nie skuldig maak nie! Kom dan nie na Gilgal nie, en gaan nie op na Bet-Awen nie, en sweer nie: So waar as die HERE leef!

Ons sien dit is Vader se volk (korporatiewe liggaam/nasie), en **slegs Vader se volk** wat kan hoereer. (Israel het nie opgehou om YHWH se volk te wees terwyl hulle gehoereer het nie. In die kerk kan slegs gelowiges hoereer! **Nie ’n ongelowige nie.**) Dink daaraan. Slegs ’n

verloofde kan hoereer. Want: Jy kan slegs ontrou wees as daar iemand is om aan ontrou te wees!



Mense kan haar nie raaksien nie!

Gen 38:21,22 *Toe vra hy die mense van haar woonplek: Waar is daardie hoer wat in Enaim by die pad was? En hulle antwoord: Hier was geen hoer nie. 22 Daarop gaan hy na Juda terug met die berig: Ek het haar nie gevind nie. En die mense van die plek het ook gesê: "Hier was geen hoer nie."*

Terwyl ek na hierdie woorde in Genesis gekyk het, het ek gedink: "Elohim het die prent van die hoerkerk reeds in Genesis begin skilder! Hy het van die begin af 'n plan gehad." Hy het begin om my begrip te open sodat Hy my denke op die regte pad kon rig. Die prentjie wat ek toe sien was soos volg: **Die mens kan haar nie sien nie, selfs hulle wat na haar gesoek het**, alhoewel sy daar by die mens was, reg onder hulle neuse. Elohim het dit aan my beklemtoon dat die hoer baie naby is. Dit was asof ek daar voor my rekenaar net kon uitreik en aan haar raak. Elohim het vir my gesê: **"Geen mens kan haar sien sonder dat Ek haar openbaar nie."**

(Daarmee is my denke op die regte pad gerig.) Ek weet daar is boeke geskryf waarin gesê word hierdie kerk is 'n hoer, of daardie kerk is 'n hoer. Ek weet nou sonder twyfel dat hierdie mense gefouteer het. Ek het begin insien dat die mens (ons) nie die Hoerkerk kan vind (raaksien) met ons eie begrip nie, tensy sy blootgestel word deur Elohim. Min het ek geweet dat dit wat Elohim pas aan my gesê het, in 'n prent wat deur die Skrif geskilder word sou verskyn.

Ek sal Sekere gedagtes en ervarings met jou gedeel soos ons deur die genoemde 'prent' beweeg. Ek het reeds gedeeltelik ervaar wat deur die twee Skrifte in Genesis geskilder is. **...die mense van die plek het ook gesê: "Hier was geen hoer nie."** Ek het met predikers gesels en die meeste van hulle sal vir jou sê dat die kerk gevlek is en 'n skoonmaak nodig het.

Maar wanneer jy hoerery noem dan sê hulle dit is die ander kerk verder straat af, of dit is nie ons nie...” ens. **Hulle is ernstig liggeraak oor die gedagte.** In werklikheid sê hulle: “**Hier was (is) geen hoer nie.**”

Gén 38:21 *Toe vra hy die mense van haar woonplek: Waar is daardie hoer wat in Enaim by die pad was? En hulle antwoord: Hier was geen hoer nie. 22 Daarop gaan hy na Juda terug met die berig: Ek het haar nie gevind nie. En die mense van die plek het ook gesê: Hier was geen hoer nie.*



Nadat sy herken is, moet sy verbrand word!

Lev 21:9 *En as die dogter van ‘n priester haar ontheilig om te hoereer, ontheilig sy haar vader; met vuur moet sy verbrand word.*

Gen 38:23 *Toe sê Juda: Laat sy dit hou, dat ons nie ‘n bespotting word nie. Kyk, ek het hierdie boklam gestuur, maar jy het haar nie gevind nie. 24 Ná omtrent drie maande het hulle Juda laat weet en gesê: Tamar, jou skoondogter, het gehoereer, en sy is ook swanger deur hoerery! En Juda sê: Bring haar uit, dat sy verbrand kan word.*

(Begryp dat Tamar hoer gespeel het, sy was nie ‘n hoer nie, maar hierdie het te doen gehad met ‘n belofte en die geslagslyn van Yeshua. Onthou dat ons kyk na die prent wat die Skrif gee oor hoe om ‘n hoer uit te ken.)

Hierdie prent dui daarop dat nadat die hoer ontdek is, moet sy verbrand word. Ons moet besef wie sy is, dan moet ons haar en daarmee dus die vrugte van haar aksies vernietig. **Jy kan nie hoerery vernietig of die vrugte van hoerery, as jy nie in ‘n kerk opset weet “wat hulle is nie.”** Uit bogenoemde Skrifgedeelte is dit duidelik dat Tamar fisies swanger was. Net so toon ook die ware hoer tekens van swangerskap. Hierdie vrugte is oral om ons in die fisiese, maar die kerk kan nie die vrugte herken nie want hulle kan dit nie sien nie, weens die gebrek aan begrip van wat hoerery vir Elohim beteken. Ek sal dit uitwys soos wat ons daarby kom.

Wanneer die hoer herken is, moet haar werke verbrand word. Dit het te doen met die vuur van die waarheid, reiniging van die kerk van haar dade van hoerery as 'n korporatiewe liggaam. **Nie Elohim nie, maar die mens moet die dade van hoerery verbrand. Dit is deel van die prentjie wat hier uitgebeeld word. Die Heilige Gees bring die waarheid, die vuur, maar die mens moet die dade van die kerk as 'n korporatiewe liggaam verander.**



Laat ons die saak uitmaak

Jes 1:18-20 Kom nou en laat ons die saak uitmaak, sê YHWH: *al was julle sondes soos skarlaken, dit sal wit word soos sneeu; al was dit rooi soos purper, dit sal word soos wol. 19 As julle gewillig is en luister, sal julle die goeie van die land eet. 20 Maar as julle weier en wederstewig is, sal julle deur die swaard geëet word; want die mond van YHWH het dit gespreek.*

Hierdie prentjie openbaar dat alhoewel 'n gelowige se sondes gereinig word deur die bloed van Yeshua, moet hulle steeds gehoorsaam wees aan Elohim om te kan eet van die goeie van die land. Rebelle bring vernietiging van wat 'n persoon reeds het (**Vrug onsigbaar, onbekend**). Elohim praat met die Hoer en Hy sê: "Laat ons die saak uitmaak." (Die King James sê: "Let us reason together.") Gebruik jou verstand. Redeneer. Dink. Jy moet jou verstand gebruik om die 'dinge van die Gees' na te volg (in gehoorsaamheid), as individu én as 'n korporatiewe liggaam van gelowiges! Alles wat Elohim vir my geleer het oor die dade van Bruidskap is eenvoudig, prakties en maak absoluut sin. Dit is waarom Elohim sê om rede te gebruik want jy het die vermoë om te kan verstaan. Redeneer met Elohim. Moenie sommer net jou eie idees gebruik en Hom uitsluit nie.



Hoe die getroue vesting 'n hoer geword het

Jes 1:21 Ag, hoe het die getroue vesting 'n hoer geword! Dit was vol reg, geregtigheid het daarin vernag — en nou moordenaars! 22 Jou silwer het skuim geword; jou wyn is vervals met water. 23 Jou vorste is opstandelinge en metgeselle van diewe; elkeen van hulle het omkoopgeskenke lief en jaag beloning na. Aan die wees doen hulle geen reg nie, en die saak van die weduwee kom nie voor hulle nie.

Hier het ons die prentjie van 'n getroue stad (die eerste gemeentes wat die bekende wêreld van daardie tyd bekeer het) wat 'n hoer geword het! In die boek van Openbaring word die Bruid uitgebeeld as 'n stad. Die getroue stad was vol goeie oordeel en dade van geregtigheid. Maar kort na die afsterwe van die apostels, het die bruid 'n hoer geword. Die kerk in die wêreld is 'n produk van daardie “wegval” en nou, deur ons dade en **verkeerde motiewe, verkeerde denkpatrone**, hou ons aan om leringe te vermeng wat nie saam gement moes gewees het nie. Soos ek lees, verstaan ek **“...en nou moordenaars!”** (vers.21 **onbekende vrug van hoerery**), want Elohim het my reeds gewys dat die kerk bloed aan sy hande het deur die doktrines en tradisies van die mens. Ek verstaan **“...Jou vorste is opstandelinge en metgeselle van diewe;”** en die res van die Skrifte, want Vader het vir my gewys hoe sy tesourie korrek gebruik moet word. Wat betref **“elkeen van hulle het omkoopgeskenke lief en jaag beloning na,”** let op na die ongerealiseerde motiewe van sommige kerkgangers. Het daar nie uit ons eie monde gekom nie: *“Ek het regtig die sang geniet.” “Ek geniet so-en-so se preke verskriklik.” “Die diens het my so geseën!” “Yeshua gaan my lewe voorspoedig maak!” “Ek glo vir dit of dat!”* **Dit gaan net oor onself!** Jy moet die prentjie sien van **“elkeen van hulle het omkoopgeskenke lief en jaag beloning na.”** (NB: Die King James sê nie omkoopgeskenke nie, maar “gifts” wat gawes impliseer. Die Strongs Konkordansie gee die volgende beskrywings vir die woord: a *donation* (venal or redemptive): - bribe (-ry), **gift, present, reward.**)



Die Hoerkerk in die wêreld is elke Christen se moeder.

Hos 2:1–9 *1Twis met julle moeder, twis; want sy is nie my vrou nie, en Ek is nie haar man nie, en laat sy haar hoerery van haar aangesig verwyder en haar owerspel van haar borste af weg.*
(Die King James sê: Plead with your mother = *Pleit...*)

Verreweg die meeste geredde mense vandag het op een of ander manier die kerk as 'n moeder. Maar ons moeder, die kerk, het gehoereer. **Sy is nie Yeshua se vrou nie en Yeshua is nie haar man nie.** Sy was **nie intiem met Hom** soos 'n bruid behoort te wees nie.

Sy was intiem met haar eie soort (Sien: **Intimiteit is 'n vereiste vir die Bruid**). Elohim sê daar moet by haar gepleit word om haar weë te verander, anders...



Elohim gaan van die hoerkerk wat nie in die rigting van bruidskap beweeg nie, rekenskap eis.

2 Anders sal Ek haar naak uittrek en haar neersit soos op die dag van haar geboorte en haar maak soos 'n woestyn, ja, haar stel soos 'n dor land en haar van dors laat sterwe. 3 En Ek sal My oor haar kinders nie ontferm nie, want hulle is kinders uit hoerery gebore.

YHWH het nog nie die hoerkerk ontklee nie, maar as sy nie saam met Hom beweeg nie, sal Hy. Hy sal nie genade met haar kinders hê nie, want hulle is kinders uit slegte saad; sleg deur denkpatriene (**onbekende, verborge vrugte**). Toe Vader eindelik die vloed in Noag se tyd laat plaasvind het, het Hy selfs die kinders nie gered nie, want Hy wis dat hulle nie goeie saad was wat kon ontkiem en geregtigheid voortbring nie. Hoerery bring hoerery voort. Die kerk het gehelp om 'n hoervolk (afgode dienaars) voort te bring! **Begryp dat ons hier praat van die vernietiging van die dade van 'n organisasie.**



Die Hoer is daarop gefokus om die mense te dien wat sy reken haar van rykdom voorsien, fisies en geestelik.

4 Want hulle moeder het in ontug gelewe, sy wat met hulle swanger was, het skandelikse dinge gedoen; want sy het gesê: Ek wil my minnaars aqternaloop wat my brood en my water, my wol en my vlas, my olie en my drank gee.

Die fokus is onbewustelik op onself. “Ek (die kerk) sal alleenlik daardie dinge in die Bybel preek wat mense nie affronteer nie. **Ek sal my aandag gee aan hulle wat my liefhet en my onderhou.** Die kerk in die wêreld predik en leer aan mense dinge wat haar aan die lewe hou. Ons sien ...**my brood** en **my water**, **my wol** en **my vlas**, **my olie** en **my drank**...

Die kerk sê: “Gee my net daardie dele van Vader se Woord wat **onsself, ons lewens en ons besittings verryk!**” Dit gaan oor die kerk se materiële besittings, nie YHWH se Koninkryk s’n nie. Sy glo al hierdie dinge behoort aan haar, maar YHWH sê dit is **Syne**.



Vader gaan druk toepas, en dit gaan veroorsaak dat sommige Hom gaan soek!

5 Daarom, kyk, Ek sal jou weg met dorings toemaak en om haar ‘n muur bou, sodat sy haar paaie nie sal vind nie. 6 En sy sal haar minnaars agternaloo, maar hulle nie inhaal nie; en sy sal hulle soek, maar nie vind nie. Dan sal sy sê: Ek wil heengaan en terugkeer na my vorige man, want toe het ek dit beter gehad as nou. **(Dit is die eerste liefde wat verlaat is.)**

Die kerk in die wêreld weet daar is meer, maar sy hou net aan om te doen wat sy doen, want sy is ‘n leermeester met jeukerige ore! Sy kan niks anders doen as om die mens, haar minnaars, te volg nie, maar **Vader gaan haar in ellende laat beland tot sy weer leerbaar word.** Die eerste bruidegom is Yeshua, **die waarheid.** Uit die hoer sal die Vleklose Bruid na vore kom as gevolg van druk en/of vervolging. Die trots van die mens is die hoof oorsaak dat sommige mense nie verbind tot bruidskap nie.



YHWH het die hoer liefgehad, haar versorg en aan die hoer voorsien al het sy onwetend Sy bates gebruik vir haar eie bouse doelwitte!

7 Ja, sy het nie erken dat Ek aan haar die koring en die mos en die olie gegee het nie, ook silwer vir haar vermenigvuldig het en goud, wat hulle vir Baäl gebruik het.

Die hoer se kinders **verstaan nie** alles wat Vader vir hul moeder gedoen en aan haar voorsien het nie. Sy begryp nie dat die kerk se rykdom, wat deur Elohim vermenigvuldig is, vir bouse en ongeregtige doelwitte gebruik word nie.



YHWH het die Hoer se naaktheid bedek. Dink net wat Hy vir die Bruid gaan doen!

8 Daarom sal Ek terugkeer en my koring terugneem in die oestyd en my wyn op die bepaalde tyd, en wegneem my wol en my vlas wat gedien het om haar naaktheid te bedek.

Hier kry ons 'n prent wat openbaar dat Vader in 'n spesifieke seisoen gaan ingryp en **die hoer ontbloot deur sy wol en vlas weg te neem wat Hy voorsien het om haar naaktheid te bedek**. Hy was lief vir haar; Hy het die Hoer deurentyd versorg. **Let op: Hy herwin nie sy rykdom nie**. Hy kan nie, want sy het dit opgebruik. **Sy het dit op bese dinge** van ongeregtheid verspil. Dit is hier waar ek deur die aangebode prent onthou wat Vader my vertel het toe hy met Genesis begin het. **Onthou, Elohim het gesê: "Geen mens kan die hoer sien sonder dat Ek haar openbaar nie."**



Die mens ken nie die gewoontes van 'n Hoer nie, ook sien hulle nie haar verkeerde motiewe nie.

Spreuke 7:6-20 6 Want ek het deur die venster van my huis, deur my tralievenster uitgekyk, 7 en ek het onder die eenvoudiges gesien, onder die jongmense 'n verstandelose jongman opgemerk, 8 wat op die straat verbygaan naby haar hoek en in die rigting van haar huis stap, 9 in die skemer, in die aand van die dag, in die middel van die nag en die donker. 10 En kyk, daar kom 'n vrou hom tegemoet, soos 'n hoer aangetrek en listig van hart.

Vader praat self oor die hoere in Spreuke. (Klere simboliseer dae en houdings in die Bybel.) **Dit was die prent wat ek gesien het terwyl ek gelees het. 'n Jongman, sonder begrip**, aangelok deur 'n vrou in die drag van 'n hoer. **Weens 'n gebrek aan kennis het die jongman nie die kleredrag van die hoer herken nie**. Sy lyk mooi vir hom. Sy tree subtiel op. Sy wil hê dat hy haar eie begeertes moet vervul (**oorlewing**) wat 'n groot getal mans verg. Dink aan die prostitute wat dwarsoor die wêreld in die strate van dorpe en stede wandel. Die meeste van hulle trek anders aan as die normale vrou op straat in 'n poging om mans na hulle te lok.

Hulle doen dit meestal om 'n lewe daaruit te maak, die enigste manier wat hul ken.

Ek het met 'n hele paar Christene gedeel oor hoe YHWH se tesourie spandeer moet word. Baie het gereageer met: **“Maar hoe sal die kerk oorleef?”** Ironies genoeg het Yeshua hom vooraf gewaarsku omtrent hierdie reaksie op die korrekte aflewering van sy rykdom. Dit verklap die verkeerde denkpatroon wat mense het – **dat hulle fokus op die oorlewing van die kerk, nie die wil van Elohim nie!** Wie het ons werklik die meeste lief? 'n Hoer het haarself liever as haar verloofde. As jy terugstaan en na die situasie vandag kyk, sal jy sien dat kerke in die wêreld sê hulle doen dinge 'n bietjie anders: “Ons is diegene wat reg is. Kom hier, moenie soontoe gaan nie.” (Anders geklee om te verlok, om getalle te trek – sodat ons kan oorleef.)



Haar karakter?

Vers 11 ...sy is luidrugtig en losbandig, haar voete kan nie in haar huis bly nie.

Hierdie prentjie beskryf haar karakter: Sy is lawaaierig en is koppig teenoor die ware dinge van Elohim. **[Ek kan onthou hoe stywenek (hardkoppig) ek was, klouend aan my sienings terwyl YHWH my anders geleer het. Hoe het ek nie my voete gesleep wanneer dit gekom het by Yeshua se doel op aarde nie!]** Die hoer doen haar eie ding, daar haar voete nie in haar eie huis bly nie (proselietmavery, kerk probeer haar grense uitbrei). Ek het daaraan gedink hoe prostitute anders aantrek om mans weg te lok van ander prostitute af: **“Kies my!”** roep hulle...



Die Hoerkerk wag op elke hoek.

Vers 12 nou buitekant, dan weer op die pleine, en sy staan by elke hoek en loer. **13** En sy het hom gegryp en hom gesoen...

Ek het 'n gesegde van die midde-weste onthou: “Daar’s 'n kerk op elke hoek.”

Ek was verstom toe Elohim se prent van die hoerkerk Yeshua se woorde bevestig het: “Daar is nie een bediening op aarde wat nie ‘n daad van hoerery pleeg nie.”



Sy het gesê: “Kyk wat het ek alles gedoen.”

Vers 14 Ek moes dankoffers bring, vandag het ek my geloftes betaal; 15 daarom het ek uitgegaan om jou te ontmoet, om jou aangesig te soek, en ek het jou gekry. 16 Ek het my bed met dekens opgemaak, met bont spreie van Egiptiese linne; 17 ek het my bed besprinkel met mirre, alewee en kaneel.

Kan jy die prentjie sien? Sy dink alles is reg. “Ons is in Yeshua se vrede. Ons doen wat ons behoort. Kyk na wat ek gedoen het!” Sy gaan uit om siele te soek, min wetende dat dinge in haar eie huis nie reg is nie. Sy dink: “Ek het my geloftes aan my toekomstige man betaal.” Maar sy het haar bed met fyn linne van Egipte oorgetrek. Dit behoort oorgetrek te wees met **geregtigheid**. Sy beskik oor die duiwel se (misleiding) namaaksel van geregtigheid **en weet dit nie!** Onthou dat dit YHWH is wat hier praat in Spreuke. Sy voel op haar gemak. Die kerk in die wêreld praat baie: “Kyk wat doen ons as ‘n kerk!” ‘n Ware Bybelse Bruid is besig met haar man se sake, sy praat nie van haarself nie, ook vestig sy nie aandag op haarself nie. Doen die kerk in die wêreld dit? Beslis.



Haar hoof liefde (intimiteit) behoort tussen haar en Yeshua te wees, nie tussen haar en die wêreld nie.

18 kom, laat ons dronk word van liefde tot die môre toe, laat ons mekaar vrolik maak in welluste.

Wat liefde betref: **Openb. 22:15** *Maar buite is...die hoereerders en... elkeen wat leuens liefhet en doen.* Die hoer is buite Bruidskap. Sy strooi haar liefde (intimiteit) oral uit, behalwe by haar man. Volkome liefde is ‘n daad. Sy besef nie werklik dat liefde en waarheid onafskeidbaar in Elohim se Ryk is nie. Omdat sy nie intiem met Yeshua is nie, is sy nie intiem met suiwer waarheid nie.

Die kerk predik die liefdesboodskap uit balans uit met die volle evangelie. (Sien: **“Laat ons dronk word van liefde”** en **“Intimiteit met Yeshua is noodsaaklik vir die Bruid”**)



Die Hoer glo Yeshua kom terug op die bestemde dag, maar sy dink Hy het sy geld saam met Hom gevat!

*19 Want die man is nie tuis nie, **hy het ver weg op reis gegaan**, 20 die geldbeurs het hy met hom saamgeneem, teen die dag van volmaan sal hy eers tuis kom.*

Ek het hierdie verhaal verstaan, want Vader het my reeds geleer hoe om sy geldbeurs reg te hanteer. **Die hoer dink die geld is hare, om mee te doen wat sy wil.** Dit word aangedui deur die prent wat hier geskilder is deur haar woorde dat haar man die geldbeurs saam met Hom gevat het.

Mark. 13:34-36 *34 Dit is soos ‘n man wat op reis is, wat sy huis agtergelaat en sy diensknegte volmag gegee het, en vir elkeen sy werk, en aan die deurwagter bevel gegee het om te waak. 35 Waak dan, want julle weet nie wanneer die eienaar van die huis kom nie: in die aand of middernag of met die haangekraai of vroeg in die môre nie; 36 dat hy nie miskien skielik kom en julle aan die slaap vind nie.* (Die King James sê: 34 For the Son of Man is as a man taking a far journey,)

Die hoer is ‘n kerk wat glo dat haar man gaan terugkeer!



Die Hoer se leringe is nie gebaseer op woorde wat direk uit die mond van Elohim kom nie!

Spreek 7:24-27 *24 Hoor dan nou na my, seuns, en luister na die woorde van my mond. 25 Laat jou hart nie afwyk na haar weë nie, dwaal nie rond op haar paaie nie. 26 Want baie is die gesneuweldes wat sy laat val het, en talryk almal wat deur haar vermoor is. 27 Haar huis is weë na die doderyk, wat afdaal na die kamers van die dood.*

In hierdie prentjie praat Elohim met die onkundiges onder sy volk. Yeshua het gesê: (Mat 4:4) **Daar is geskrywe: Die mens sal nie van brood alleen lewe nie, maar van elke woord wat deur die mond van Elohim uitgaan.**

Daar is 'n verskil tussen die woorde in die Bybel wat **uit Vader se mond** kom en die res van die Skrif. Die hoer se leringe (oortuigings) – **onbekend aan haar** – is nie gefundeer op, of saamgevat in die Woorde wat **direk uit die mond** van Vader YHWH of sy Seun of die Heilige Gees kom nie.



Sommige dade van hoerery lei na die verderf **(vrugte onsigbaar, onbekend)**

Spreek 7:27 Haar huis (geloofsisteem/kerkgroep) is weë na die doderyk, wat afdaal na die kamers van die dood.

Spreek 7:21-23 21 Sy het hom verlei deur haar baie mooipraatjies, deur die gladheid van haar lippe het sy hom verlok. 22 Hy loop skielik agter haar aan soos 'n bees wat na die slagpaal gaan, en soos voetboeie wat dien tot tugtiging van die sot, 23 totdat die pyl sy lewer splits; soos 'n voël haastig na die vangnet vlieg—sonder om te weet dat dit ten koste van sy lewe is.

Begryp hierdie prentjie! Elohim openbaar dat die lewe waarvan hier gepraat word, die Ewige Lewe is. Die hoer se huis is die weg na die verderf. Die hoerkerk in die wêreld is die weg na die verderf. Ek was in 'n kerk waar die pastoor gesê het hulle het 'n ondersoek in hulle eie denominasie (kerkgroep) gedoen. Volgens hulle opinie van wat dit verg om gered te word, was 35% van die lidmate nie gered nie. Uit 1000 lidmate sou dit neerkom op 350 ongereddes. Yeshua het egter aan my geopenbaar dat 48% van die mense wat die kerk reken gered is, ook nie werklik gered is nie. (Sien die boekie: Die Meganika van **Redding**)

Ons neem dus 52 persent van 650 en ons vind dat slegs 338 mense werklik gered is uit die oorspronklike 1000, 338 uit 1000. Dit is natuurlik as ons dinge letterlik opneem. In alle geval, Elohim is reg! Die hoerkerk is 'n weg na die hel weens die mens se doktrines en tradisies. Mense is nie daarvan bewus dat hoerery vals doktrines veroorsaak/toelaat aangaande redding nie. Jy kan begryp! (Sien **Intimiteit met Yeshua is Noodsaaklik vir die Bruid**)



Die kerk moet YHWH se boodskappers ontvang.

Jak 2:24,25 24 Sien julle dan nou dat die mens geregverdig word uit die werke en nie alleen uit die geloof nie? 25 En is Ragab, die hoer, nie ook net so geregverdig uit die werke toe sy die boodskappers ontvang en met 'n ander pad weggestuur het nie?

In hierdie prentjie het 'n hoer haar geloof gebruik, insluitend die aksie en geregverdig geword. **Sy het die boodskappers ontvang.** Wie is hierdie boodskappers onder die volk? Volgens die Woord van Vader is dit die **Profete en Apostels**. Nou is die vraag: Sal die liggaam van Yeshua die funksie (bediening) van 'n profeet of die bediening van 'n apostel aanvaar? Dwarsdeur die Bybel was profete en apostels se funksie om te korrigeer. Ons praat nie hier van valse profete of mense wat net by geleentheid profeteer nie. Ons praat van die bediening of amp van 'n profeet. Sal die leierskap van die kerk die funksies van hierdie mense, deur Elohim gestuur, ontvang? Let daarop dat ons Hemelse Vader niks doen buite Sy eie struktuur of reëls van Sy eie Woord nie!



Die grondoorsaak van hoerery! (Nuwe Testament – Paulus aan die woord)

1 Kor 6:15,16 15 Weet julle nie dat julle liggame lede van die Messias is nie? Sal ek dan die lede van Messias neem en dit lede van 'n hoer maak? Nee, stellig nie! 16 Of weet julle nie dat hy wat 'n hoer aanhang, met haar een liggaam is nie? Want die twee, sê Hy, sal een vlees wees.

Dit is 'n feit dat leierskap “lei” en as daar dus dade van hoerery deur die kerk gedoen word, as 'n korporatiewe liggaam, is dit **weens die gebrek aan kennis in die leierskap**, nie die algemene liggaam nie. Leierskap kan egter nie wandel in iets wat dit nie begryp nie, maar dit vrywaar nie die kerk se aksies van hoerery nie. **Hoerery is hoerery, ongeag wie dit gepleeg het, of waarom dit gepleeg is.** Dit is egter die leiers wat enige korporatiewe liggaam uit hoerery sal kan uitlei, as daardie liggaam ooit sal uitkom. **Elohim het my aangesê om die Bruid na vore te roep. Dit is tyd vir verandering in die kerk!**

Die prent wat hier aan ons getoon is, openbaar dat indien jy verenig is met 'n hoer, word jy een met haar. Begryp asseblief dat Elohim nie leierskap verdoem deur die openbaring van die waarheid dat hoerery deur leierskap veroorsaak word nie. Dit is net 'n feit! **YHWH is nie 'n kritiese Elohim nie, maar 'n Elohim van absolute waarheid!**

Elohim het aan my gesê, **“Onthou, dit is vir My (Elohim) en nie vir julle nie!”** In daardie woorde lê een basiese verskil in die gedagtepatrone van 'n bruid in vergelyking met 'n hoer. 'n Bybelse vrou dien haar man en hom alleen, nie haarself. **Hoe lief het ons Christene Yeshua werklik?** Genoeg om ons oë te rig op bruidskap, or of het ons daardie “Ag, alles sal nog regkom” houding? Het jy Yeshua lief genoeg om op jou gesig voor Hom neer te val om uit te vind of dit wat ek sê die waarheid is? Yeshua het my eintlik aangesê om die volgende vir jou te sê: **“Maak kontak met jou gees en met YHWH en vind uit of dit wat hier gesê word die waarheid is.”**

Sal die kerk aanhou om op dieselfde ou pad te wandel? **Nadat ek in die hemel was, is ek nou hier om aan jou te sê dat daar 'n dag van vergelding op pad is. Daardie dag is baie naby!** Daarom sê Elohim ons moenie hierdie dinge ligtelik opneem nie. Mnr. Christen, dit is YHWH self wat sê om nie dinge ligtelik op te neem nie! As dit vir my so belangrik is om neer te skryf en/of te predik, dan is dit vir jou belangrik om te ontvang, te begryp en te wandel in wat Elohim deur Sy Gees openbaar het aangaande hoerery!

Waarom? Omdat die mens **die vleklose gemeente op aarde nodig** het. **Kom te voorskyn Bruid!**

Wat is 'n korporatiewe liggaam?

Wanneer mense bymekaarkom as 'n groep, 'n kerk, ens., is daar dinge wat ons korporatief doen as gelowiges. Ons bid korporatief, ons kollekteer Elohim se geld korporatief en doen ander funksies korporatief, m.a.w. op 'n korporatiewe basis (as 'n verenigde groep).

Kerke met verskillende leerstellings glo elk hulle leerstellings op korporatiewe basis en doen aksies as 'n korporatiewe liggaam ooreenkomstig die spesifieke leerstelling. Dit is hierdie daad wat 'n korporatiewe liggaam uitvoer, wat bepaal of dit 'n hoer of 'n Bruid is in Elohim se oë.

Wat van die korporatiewe liggaam m.b.t. die Bruilof met die Lam?

Die liggaam van Yeshua op aarde bestaan uit mense wat verskillende funksies van sy liggaam vervul. Elohim verwys na die aardse liggaam van Yeshua as 'n vrou, 'n binnekort toekomstige Bruid. Hierdie vrou is 'n korporatiewe liggaam; dit kan nie 'n individu wees nie. Een persoon kan nie die Bruid van die Messias wees nie, maar hulle kan behoort aan 'n liggaam, 'n korporatiewe liggaam **(verenigde groep mense)**, wat binnekort die Bruid gaan wees.

Die kerk (vrou) as 'n korporatiewe liggaam was vooraf bestem vir, of verloof aan Yeshua sedert die begin van tyd – maar die Bybel praat van 'n spesifieke tyd waarop die huwelik met die Lam sal plaasvind. Die kerk **moet haarself voorberei!**

Ek beklemtoon “haarself voorberei”, want 'n klomp mense dink dit sal net 'n klap van die vingers wees, 'n outomatiese ding wat Elohim sal volbring met gelowiges.

Openb 19:7-8 *Laat ons bly wees en ons verheug en aan Hom die heerlijkheid gee, want die bruilof van die Lam het gekom en sy vrou het haar gereed gemaak. 8 En aan haar is gegee om bekleed te wees met rein en blink fyn linne, want die fyn linne is die regverdige dade van die heiliges.*

Die Bruid is 'n reeds bestaande vrou (kerk) wat haarself moet reinig van vlekke en dade van hoerery en dan geregtigheid moet aantrek wat ook 'n aksie is!

Om die reiniging verder te begryp, moet ons na die Hebreeuse troue kyk: Die meisie is dikwels op 'n jong ouderdom deur haar ouers aan die man verloof. Sodra die aangewese tyd vir die bruilof aanbreek, gaan sy deur 'n reinigingsproses ter voorbereiding vir die huwelik. Nie net vir die seremonie, die oomblik van die troue nie, maar vir die huwelik self. Die dag van die seremonie volg na die voltooiing van die reiniging. Die seremonie vind plaas, die paartjie gaan in privaatheid en die huwelik word deur intieme omgang volvoer. Hulle verskyn weer en gaan dan na die bruilofsfees; die Bruid, Bruidegom en al die gaste. Die huwelikseremonie, volvoering deur omgang en die bruilofsfees, **kon nie plaasvind** voordat daar nie 'n reiniging van die vrou was wat die Bruid sou word nie.

Die bruidskleed word aangetrek voor die huwelikseremonie. Dit is van fyn linne en die Skrif sê dit is “geregtigheid”.

Geregtigheid is 'n aangeleerde saak, 'n aksie.

Dus: Geregtigheid is 'n “aangeleerde” AKSIE!

I Joh 3:7 *My kinders, laat niemand julle mislei nie: wie die geregtigheid doen (beoefen), is regverdig soos Hy regverdig is.*

Yeshua is regverdig genoem omdat Hy aksies van geregtigheid gedoen het. Hy was nie so genoem as gevolg van 'n salwing, of oor wie Hy was nie! Hy het ons kom wys hoe dit gedoen moet word. Vir 'n kerk liggaam ('n vrou) om regverdig genoem te word soos wat Yeshua was, moet sy as 'n liggaam doen wat Elohim geregtigheid noem.

Jes 26:9 *Met my siel begeer ek u in die nag; ook met my gees in my binneste soek ek U; want as u oordele op die aarde is, leer die inwoners van die wêreld geregtigheid.*

Ons sien dat wat die kerk as 'n korporatiewe liggaam moet doen is leer en daarom moet sy haar aksies as korporatiewe liggaam verander. Die kerk (die liggaam van Yeshua) is Elohim se verteenwoordiger op aarde. Dit is by wyse van spreke veronderstel om Elohim se hande te wees. Om Elohim se hande te wees moet haar aksies, dade van geregtigheid wees want Hy doen geen ongeregtigheid nie! Indien daar nie regverdige dade as 'n korporatiewe liggaam is nie, is daardie korporatiewe liggaam nie YHWH se hande nie.

Wat is geregtigheid?

Jare gelede, toe YHWH met my begin deel het oor geregtigheid, was een van die dinge wat gebeur het dat Hy aan my 'n Woord deur iemand anders gegee het. Ek moes verneem dat ek dit nie gesnap het nie; **dat wat ek nie gesnap het nie, deur my seun van 6 begryp sou kon word.** Ek is meegedeel dat Hy (Vader) my teologie sou verander. Ek is ook vertel dat ek self sou sien wat ek nie gesnap het nie.

Wat was dit wat ek nie gesnap het nie? Die eenvoudige feit dat geregtigheid 'n aksie is, en dat daardie aksies lewe voortbring en nie net 'n manier van bestaan is nie. **Omdat hierdie feit oor geregtigheid so belangrik is,** wil ek saam met jou deur sekere skrifgedeeltes gaan voordat ons aangaan na die begrip van die vlekke op Yeshua se kerk.

Elohim het Job uit sy eie mond regverdig genoem (**Job. 1:8**). Petrus het gesê Cornelius wandel in geregtigheid (**Hand. 10:35**). Yeshua het in **Mat. 25:34-37** hulle wat hierdie dinge doen “**die regverdiges**” genoem.

...Want Ek het honger gehad, en julle het My te ete gegee; Ek het dors gehad, en julle het My te drinke gegee; Ek was 'n vreemdeling, en julle het My herberg gegee; 36 Ek was naak, en julle het My geklee; Ek was siek, en julle het My besoek; in die gevangenis was Ek, en julle het na My gekom....

Hierdie mense het steeds sonde in hulle lewens gehad!
Yeshua was regverdig genoem – nie oor een of ander aura of salwing op Hom nie, maar **omdat Hy in Sy lewe geregtigheid bewerk het**. Geregtigheid is ‘n aksie (om in geregtigheid te wandel) dit is **‘n aangeleerde saak** en dit is **meer fundamenteel** as geloof!

Geregtigheid is ‘n aksie!

1 Joh 3:7 My kinders, *laat niemand julle mislei nie: wie die geregtigheid **doen**, is regverdig soos Hy regverdig is.*

1 Joh 2:29 *As julle weet dat Hy regverdig is, dan weet julle dat elkeen wat die geregtigheid doen, uit Hom gebore is.*

Spreuke 10:16 *Wat die regverdige verwerf, is vir die lewe; die inkomste (vrug) van die goddelose is tot sonde.* King James is hier meer akkuraat: *The labour of the righteous tendeth to life: the fruit of the wicked to sin.*

Geregtigheid is ‘n aangeleerde saak!

1 Kor 15:34 *Ontwaak tot geregtigheid, en sondig nie; want sommige het geen kennis van Elohim nie. Ek sê dit tot julle beskaming.*

Paulus praat met die gemeente van Korinte; **hulle het die kern van die saak gemis**. Hoekom het hulle dit gemis? Weens die gebrek aan kennis... (**Hos. 4:6**)

Jes 26:9 *Met my siel begeer ek u in die nag; ook met my gees in my binneste soek ek U; want as u oordele op die aarde is, leer die inwoners van die wêreld geregtigheid.*

Heb 5:12–14 Want hoewel julle vanweë die tyd leraars behoort te wees, het julle weer nodig dat 'n mens julle die eerste beginsels van die woorde van Elohim moet leer, en julle het weer behoefte aan melk en nie aan vaste spys nie. 13 Want elkeen wat melk gebruik, is onervare in die woord van geregtigheid, omdat hy 'n kind is. 14 Maar vaste spys is vir volwassenes, vir die wat geestesvermoëns besit deur die gewoonte geoefen, om goed van kwaad te onderskei.

Geregtigheid is fundamenteel, meer basies as geloof.

Spreuke 10:25 Wanneer 'n stormwind verbygaan, is die goddelose nie meer nie; maar die regverdige is vir ewig gegrondves.

Ons sien in die volgende vers dat geloof 'n eienskap van geregtigheid is, dus is geregtigheid meer basies/fundamenteel nog as geloof.

Gal 3:6 Net soos Abraham in Elohim geglo het, en dit is hom tot geregtigheid gereken.

Gen 15:6 En hy het in YHWH geglo; en Hy het hom dit tot geregtigheid gereken.

Net soos geloof dood is sonder aksie, so is ook geregtigheid dood sonder aksie.

YHWH word beweeg deur geloof, maar Hy het geregtigheid lief!

Psalm 11:7 Want YHWH is regverdig; Hy het geregtigheid lief; die opregtes sal sy aangesig sien.

Spreuke 15:9 Die wandel van die goddelose is vir YHWH 'n gruwel, maar hom wat geregtigheid najaag, het Hy lief.

YHWH beloon hulle wat geregtigheid op die aarde bewerk!

Psalm 18:21 YHWH het met my gehandel volgens my geregtigheid; Hy het my vergelde na die reinheid van my hande. 22 Want ek het die weë van YHWH gehou en nie goddeloos van my Elohim afgewyk nie;

Vader gaan die kerk beloon volgens sy dae van geregtigheid.

Hand 10:34,35 *En Petrus het sy mond geopen en gesê: Ek sien waarlik dat Elohim geen aannemer van die persoon is nie, 35 maar dat in elke stam die een wat Hom vrees en geregtigheid doen (beoefen), Hom welgevallig is.*

Petrus praat hier van Cornelius. Wat het hy gedoen? Geregtigheid bewerk!

Hand 10:2 *Hy met sy hele huis was vroom en godvresend en het baie aalmoese aan die volk gegee en was altyddeur in die gebed tot Elohim.*

Ons moet ons klee in geregtigheid!

Matt 6:33 *Maar soek eers die koninkryk van Elohim en Sy geregtigheid, en al hierdie dinge sal vir julle bygevoeg word.*

Rom 8:4 *sodat die geregtigheid van die wet (YHWH se wette) vervul kon word in ons wat nie na die vlees wandel nie, maar na die Gees.*

1 Pet 2:24 *wat self ons sondes in sy liggaam op die kruishout gedra het, sodat ons die sondes kan afsterwe en vir die geregtigheid lewe; deur wie se wonde julle genees is.*

Rom 6:19 *Ek spreek menslikerwys ter wille van die swakheid van julle vlees; want net soos julle jul lede diensbaar gestel het aan die onreinheid en wetteloosheid om wetteloos te wees, so moet julle nou jul lede diensbaar stel aan die geregtigheid tot heiligmaking.*

Trone word opgerig deur Geregtigheid

Spreuke 16:12 *Dit is 'n gruwel vir konings om goddeloosheid te doen, want deur geregtigheid word die troon bevestig.*

Bruidskap is gevestig in Geregtigheid. Dáárom moet die vrou wat geroep word om die bruid te wees, gereinig wees van alle vlekke en moet sy die kleed van geregtigheid aantrek.

Reiniging voor Glorie!
Elohim se algemene vloei van:
Die Bruilof van die Kerk
(liggaam van Yeshua) **op die Aarde!**

Openb 19:7-8 7 Laat ons bly wees en ons verheug en aan Hom die heerlijkheid gee, want die bruilof van die Lam het gekom en sy vrou het haar gereed gemaak. 8 En aan haar is gegee om bekleed te wees met rein en blink fyn linne, want die fyn linne is die regverdige dade van die heiliges.

Vader het aan my gesê dat dit dieselfde is as 'n Hebreeuse troue. Kom ons kyk na die verskillende stappe en die scenario hieronder:

1. **'n Hebreeuse meisie het op 'n baie jong ouderdom verloof geraak en 'n wettige dokument was opgestel.**
Die volk se huwelik was wettig deur YHWH ingestel, met die grondlegging van die wêreld om op 'n spesifieke periode in tyd plaas te vind.
2. **Soos die tyd aanbreek vir die troue van die vrou, word voorbereidings getref vir die huweliksplegtigheid tussen haar en haar toekomstige man.**
Elohim begin om die verhoog op te stel vir eindtyd gebeure wat insluit die voorbereiding van die liggaam van Yeshua se huwelik met Sy Seun.
3. **Die Hebreeuse vrou ondergaan 'n reiniging en dit verg tyd, met sekere dinge wat gedoen moet word om haar te reinig. Sy word verswak deur te vas en deur laksering en soms word sy gedra na die plek waar die seremonie plaasvind. (Sy moet gereinig wees voor die seremonie)** Vader ontbloom vlekke op die volk sodat sy haarself kan gereed kry. Haar reiniging neem tyd en deur suiwering, raak haar vlees swak en regeer nie meer langer die liggaam van Yeshua nie. (Geen reiniging, geen Bruidskleed.)
4. **Die vrou trek haar bruidskleed aan.** Die liggaam van Yeshua het deur haar reiniging geleer hoe om haarself te klee in dade van geregtigheid (kleed van blink, fyn linne) as 'n korporatiewe liggaam en doen dit in voorbereiding vir die seremonie. Hierdie kleed van geregtigheid verskil met ander klede van fyn linne en die liggaam van Yeshua het geleer wat die verskil is.
4. **Die Hebreeuse vrou gaan na die seremonie, daar word in verbond gegaan en sy ontvang permanent haar bruidegom se naam.** Die liggaam van Yeshua het deur haar reiniging geleer hoe om Yeshua se Naam aan te neem, bv. deur besorging van sy tiende in Sy Naam, ens.

Sy ervaar dat dit goed is om Yeshua se Naam te dra en gee dit nooit prys nie. Yeshua se aardse liggaam kom in volkome verbond met Hom, wat haar volkome gehoorsaamheid voltooi. Nou kan Yeshua sy bruid wettiglik beskerm! **Die heerlikheid van Elohim sal nou haar agterhoede wees!** (Jes 58:8)

5. Die Bruid en Bruidegom word afgesonder van ander en voltrek die huwelik deur intimiteit.

Die liggaam van Yeshua het deur die reiniging van die vlekke geleer hoe om intiem met Yeshua te wees en intiem te bly, al is Hy steeds in die hemel. Sy liggaam raak afgesonder van die wereld sisteem en word deur Yeshua self versorg, gehoorsaam aan elke opdrag van Hom. Hoerery is uit haar uit gesuiwer en haar oë is op haar Man en wat Hy in die aarde doen. Die Glorie van Yeshua begin om gesien te word in haar en in die aarde.

7. Na die intimiteit tussen die Bruid en die Bruidegom, keer hulle terug na die gaste toe en die bruilofsfees begin. Die gaste geniet dieselfde voedsel as Bruid en Bruidegom.

Die mense in die wêreld het die huwelik van die Lam nodig sodat hulle die geleentheid kan hê om na die bruilofsfees te kom. Aan YHWH die GLORIE! Die kerk was 'n voertuig vir Elohim se gebruik al was sy gevlek en het gehoereer. Dink net wat kan Hy doen met 'n Vleklose Bruid in die aarde! **Kom na vore, Bruid!**

**Yeshua het met my gepraat en gesê:
“Jy weet hoe die seremonie plaasvind!”**

Eendag, net uit die bloute, terwyl ek my besig gehou het met wêreldse dinge, het Yeshua met my gepraat: **“Jy weet hoe die seremonie plaasvind.”**

Ek het gesê: “Ekskuus?”

Yeshua het herhaal: **“Jy weet hoe die seremonie plaasvind.”**

Aanvanklik was ek onkant gevang en het gewonder: “Watter seremonie?” Toe het ek skielik besef Yeshua het gepraat van die bruilof van die Lam! Ek het gedink: “Ek moet liever nie met Yeshua argumenteer nie, ek het dit genoeg gedoen.” Hy kon nie onthou dat hy inligting het oor die huwelikseremonie nie, want hy het nooit aan die huwelikseremonie self gedink nie. Hy het vir Yeshua gesê: “Wel, as U sê ek weet hoe die seremonie plaasvind, dan weet ek, maar ek kan dit nie in woorde uitdruk nie. Ek het geweet dit sou geen doel dien om die seremonie te bestudeer nie, want ek het geweet Yeshua sou my die begrip moes gee.

Sowat 3-4 weke later het ek meteens begryp: **Verbond!** In die huwelikseremonie **gaan die paartjie in verbond!** Natuurlik! Die seremonie vind plaas wanneer die individue (liggaam van Yeshua) in verbond gaan met Elohim. Wanneer iemand gered word, het hy daardie spesifieke gedeelte van die verbond bewerk. (die aksie deur belydenis) Maar om Elohim te beroof (met onder andere tiendes en offergawes), of deur eerder intiem te wees met die mens as met Yeshua en dinge op ons manier te doen, laat ons hoereer teen Elohim. Ons is nie in verbond nie! Ons lewe onder 'n gevestigde verbond, maar om **in verbond** te wees, **is waar ons eintlik wil wees!** Daar is 'n reuse verskil.

Dit is dieselfde as wanneer 'n opregte man hier op aarde vir hom 'n vrou neem. As sy lojaal is, sy geld spandeer soos hy verkies en hom soos 'n koning behandel, sal die man haar behandel soos 'n koningin. Hy word haar beskermheer en haar voorsiener en daar sal niks wees wat hy nie vir haar sal wil doen nie. **Hulle is in Verbond. Die twee is een in doelwit, ens. Hulle stem saam, want hulle het dieselfde gedagtes.** Maar as die vrou nie die man se geld korrek hanteer nie, **is hulle nie** in verbond nie, **is hulle nie een nie.** As die vrou na ander mans kyk, of intiem met hulle is, **is hulle nie** in verbond nie, **is hulle nie een nie.** Tog is hulle steeds onder 'n verbond! **Dit maak nie saak of dit in onkunde gedoen is nie, hulle is buite verbond, hulle is nie een nie! Hulle stem nie saam nie!**

Dit is baie maklik om hierdie selfde toneel op die kerk as 'n korporatiewe liggaam oor te dra, sowel as ons persoonlike lewens. Wanneer ons as individue met Yeshua in verbond gaan, sal ons verbondsbeloftes geniet wat nie deur Christene vandag geniet word nie. **Christene behoort dieselfde beskerming te hê wat Job gehad het. Ons moet onthou dat een van die redes waarom Vader die heining van beskerming om Job opgelig het, was om ons te toon watter beskerming hy gehad het. (Sien *Wat gebeur wanneer ek nie tiende betaal nie, of in geloof dit gee aan 'n kerk wat dit onbewustelik aan hoerery spandeer.*)** Job was in verbond met Elohim, so ook Paulus die apostel. Paulus het buite verbond geraak toe hy ongehoorsaam aan Elohim was – en hy het in kettings beland. (**Hand 21:32**) Paulus was gewaarsku deur YHWH se profete en hy het sy beskerming verloor toe hy nie na Elohim se boodskap geluister het nie. Hy was buite verbond met Elohim toe hierdie dinge gebeur het.

Yeshua was beskerm, want Hy het in verbond gewandel. Die Woord van Elohim en dit wat Elohim bedoel het toe Hy dit gespreek het, is die gevestigde verbond.

Om saam in verbond te gaan, is om eensgesind te wees oor 'n saak, nie net met woorde nie, maar ook met aksie. YHWH het die verbond gevestig waarin **ons moet wandel** om in eensgesindheid (verbond) met Hom te wees. Om in verbond met Elohim te wees, moet die liggaam van Yeshua haar deel korrek doen. Dit word gedoen deur in eenstemmigheid te kom met wat Elohim bepaal het sy (die liggaam) moet wees en wat sy moet doen, as Sy vennoot in die huwelik.

Daar is beskermings wat voortkom uit om in verbond te wees met YHWH. Toe Israel in verbond was met YHWH, het hulle oorloë gewen sonder 'n skrapie. Elohim het hulle oorloë vir hulle geveg – soos 'n goeie man sal doen vir sy vrou. **YHWH sal sy krag toon aan die Bruid en die wêreld, wanneer die Bruid in verbond met Hom gaan en daarin wandel. Tot sy dit doen, sal sy voortgaan om te hoereer en kwesbaar wees vir die aanslae van die duiwel.**

YHWH Elohim soek mense wat in verbond met Hom wil wandel. Hy het die mensdom lief en wil homself graag as sterk bewys namens ons. Hy het aan ons bediening, Take His Heart Ministries gesê: **“Ek begeer om julle die prys te gee!”** Hy wil, maar Hy het ook aan my gesê dat Hy iets wil bou wat nie vernietig kan word nie. Ek het dit nie op daardie stadium verstaan nie, maar nou wel. Vader wil iets bou wat die duiwel nie kan vernietig of besteel nie. Dit is 'n Bruid wat bonatuurlik beskerm word om haar laaste dae se werk op aarde te doen! Dit kom alles neer op om **in verbond te gaan** met Elohim. **Vir die kerk om met Yeshua te mag trou, moet sy in verbond gaan met Hom deur eensgesind met Hom te wees oor wat Hy bepaal het sy moet wees en moet doen, as sy vennoot in die huwelik.**


Vier vlekke op die liggaam van Messias word openbaar deur die Heilige Gees!

Toe Vader my geroep het vir die bediening, het Hy my begin toerus vir my taak deur dié visioen aan my te gee:


Die toneel:

Ek was op die verhoog en voor my was iemand (wat die liggaam van Messias verteenwoordig het) sonder sy hemp, vooroor geboë, sittende op 'n stoel, sy gesig weggedraai van my af.

Vleklose Bruid



Ek het die vlekke op hierdie persoon se rug uitgewys aan die gehoor en verduidelik wat hulle was. Daar was **drie hoof vlekke** op die ruggraat van hierdie liggaam. Hulle was omtrent 5-6 sentimeter in deursnee. Die res van die kleiner vlekke was blykbaar buite die 5-6 sentimeter area wat met die ruggraat langs geloop het. Die vlekke wat van kleiner grootte was, was omtrent 3 sentimeter in deursnit. Al die vlekke was redelik dik asof hulle inhoud gehad het. Hulle het diepte gehad en almal het 'n patroon gehad wat gelyk het soos kraalgoed of sneeuvlokkies.



Ek het gemediteer oor hierdie vreemde ontwerpe in die vlekke, wat vir my 'n bietjie laf voorgekom het. Ek het gevra: "Vader, wat is hulle?" Hy het geantwoord: **"Hulle is patrone."** Dit het nie my begrip op daardie stadium bevorder nie, maar ek het geweet Hy het my dit vertel om 'n rede. Vader het begin om aan my begrip te gee vir die oorspronklike waarheid wat Hy aan my gewys het. Die vlekke is patrone, **die wyse waarop dinge gedoen word**. Oor die jare het Hy hier 'n bietjie, daar 'n bietjie deur die "dinge van die Gees" openbaar wat die individuele vlekke verteenwoordig, totdat ek begin verstaan het wat hulle is.

Die drie groot vlekke is lewensgevaarlik deurdat hulle op die ruggraat is, die fondasie van die liggaam. **"Hulle is fundamentele vlekke en het te doen met fundamentele gelowe en gebruike van die kerke!"** Hulle verteenwoordig die verkeerde patrone of aweregse dade van ongeregtigheid, almal vrugte van vals lering en menslike tradisies.

Die vlek aan die basis van die ruggraat het te make met: **"Die Meganika (patroon) waarvolgens die Heilige Gees leer."** Hierdie vlek is aan die onderpunt, want dit is die rede vir die ander twee vlekke se bestaan in die kerke vandag! Dit sal duideliker word vir jou terwyl jy lees oor die ander vlekke.


Die vlek oor die hart het te make met **Die Meganika van Redding**. Dit is aan die hart van die saak – redding tot die ewige lewe. Soos wat jy deur die reddingsartikels lees, sal jy keer op keer sien, deur die "dinge van die Gees", dat Vader gedurig vir my nader getrek en nie net die waarheid van daardie oorspronklike visioen openbaar het nie, maar ook die belangrikheid van hierdie spesifieke vlek. Daar was baie meer "dinge van die Gees" gegee as waaroor ek geskryf het, maar almal wys op dieselfde waarheid.

Die derde vlek is **Die Meganika van Tiende – Vader se Geregtigheid deur die liggaam van Yeshua**. Die vleklose liggaam van Messias sal Vader se skatkis in geregtigheid hanteer!

Ek praat hier oor hoerery. Yeshua het my eerstens geleer wat die drie vlekke is. Daarna het Hy direk met my gepraat oor die hoerkerk en my deur die Skrif gevat, soos jy reeds weet. Omdat ek reeds die drie vlekke begryp het, kon ek verstaan en die waarheid ontvang oor wie die hoer werklik is en – waarom Hy in die Skrif oor die hoerkerk gepraat het op die manier wat Hy het.


Yeshua openbaar 'n Vierde Vlek

Nadat ons baie oor Goue Vergaderings geleer het, het Yeshua openbaar dat vergaderings 'n vierde vlek vorm. Goue Vergaderings bevorder intimiteit met Yeshua, wie die Hoof van die vergaderings is en die Hoof van Sy kerk!



Baie pastore is bewus daarvan dat die kerk gevlek is en weet dit moet onbevlek raak. Hulle sal openlik hieroor praat, maar sodra iemand sou beweer dié pastore se kerk is 'n hoer, word hulle kwaad. Die feit van die saak is, as ons ontslae raak van die vlekke, het ons ook ontslae geraak van die dade van hoerery. As ons ontslae raak van die dade van hoerery, het ons ontslae geraak van die vlekke. Vader skilder maar net verskillende prente van dieselfde probleme sodat ons kan verstaan.

Ek het die Kleed van Yeshua se Bruid gesien!



Die Bruid se Kleed!

Toe Elohim my vir bediening geroep het, het Hy my die Bruidskleed in 'n naggestig gewys. Dit het hier op aarde oor die leunings van die stoele in 'n Coliseum gelê. Ek het die toneel gesien met myself daarin, in die onderste linkerhoek terwyl ek opgekyk het oor die kleed heen.

Dit was van fyn linne, pragtig en was 'n asemrowende toneel. Net drie mans het aan die kleed gewerk.


Dit is baie min as jy in ag neem hoeveel geestelike leiers daar in Elohim se liggaam op aarde is. Eendag het Vader aan my gesê: **“Sê aan die Kerk om hul oë op Bruidskap te rig.”** Ons (die liggaam van Yeshua) het nodig om dit te doen, want ons sal nie net daar kan aankom sonder inspanning aan ons kant nie. Ons sal nie gaan waarheen ons behoort te gaan nie en ons sal nie weet van die veranderings wat gemaak moet word nie – as die kerk nie sy Godgegewe bestemming ken in hierdie laaste dae nie. **Dit is ‘n baie ernstige saak.** Die vrou (kerk) moet **haarself gereed maak.** Dit is nie ‘n klap van die vingers situasie nie.

Openb 19:7,8 *7 Laat ons bly wees en ons verheug en aan Hom die heerlijkheid gee, want die bruilof van die Lam het gekom en sy vrou het haar gereed gemaak. 8 En aan haar is gegee om bekleed te wees met rein en blink fyn linne, want die fyn linne is die regverdige dade van die heiliges.*

Die rede waarom die Bruidskleed gewys was asof dit in ‘n Coliseum was, is omdat die Bruid van die Messias ‘n “korporatiewe liggaam” is en die kleed moet aantrek as ‘n “korporatiewe liggaam”. **Geen individu kan dit dra nie. Die Heilige Gees het eenvoudig openbaar** dat die Bruilof van die Lam hier op aarde plaasvind, nie in die hemel nie! **Yeshua het met sy eie mond bekendgemaak dat daar geen huwelike in die hemel is nie. Die valse eindtyd leerstellings en oortuigings in die kerk moet verander, anders gaan die kerk mis waaroor alles gaan.**

Die Mensdom het die vleklose kerk nodig. Die Hemel nie. **Die “korporatiewe liggaam” moet gereinig word van haar vlekke deur haar aksies as ‘n “korporatiewe liggaam” om ‘n vleklose kerk te word voor die koms van die Messias.** Wanneer Yeshua kom gaan Hy nie ‘n kerk beloon wat gevlek is en dade van hoerery pleeg nie. Dit is tyd vir verandering!

Dit is tyd vir die opwekking van die vroeë kerk wat daardie tyd die wêreld in Christenskap ingelei het want daardie kerk was ‘n “getroue stad.” Die kerk moet haar reining van haar vlekke en dan sal dit toegelaat word dat sy die Bruidskleed van Geregtigheid mag aantrek. Dan moet die volk in verbond met Elohim gaan – ingaan in verbond is hoe sy trou. Dan sal die glorie van Yeshua in haar gesien word. Sy is ‘n korporatiewe liggaam wat optree as ‘n skakel met Yeshua self. Sy het sy Naam aangeneem en sy geregtigheid deur haar aksies. Sy is gehoorsaam aan Hom in alle dinge as ‘n korporatiewe liggaam.



Yeshua Voorspel Sy Komende Bruid!

Dit was met Paas Sondag, 3 April 1988, by die Word of Life kerk in Winfield, KS. Die gemeente het gestaan en sing. Skielik het ek in 'n visioen die aarde in sy baan deur die hemele sien verbygaan. Toe was dit asof hy sy baan verlaat en begin brand. Ek het gekyk na die aarde se vernietiging. Toe het Vader se Woord weerklink:

En dus sal die woord van My mond nie leeg terugkeer nie. Want Ek is die Skepper van alle dinge, die Eerste en die Laaste, die Ek Is, die Begin en die Einde. Julle is die uitverkore geslag. Ek sê vir julle, Ek sal 'n kerk hê sonder vlek of rimpel. Dieselfde krag wat My Seun opgewek het, sal daardie kerk opwek. Ek sê vir julle: Kies lewe, nie die dood nie en hulle wat hul lewe aan My wy sal in daardie kerk wees, want Ek sal die opstandingskrag in hulle loslaat. Want Ek is Elohim en julle sal soos My Seun wees wanneer jul Hom in die lug ontmoet. Ek sê weer: Kies lewe! Die aarde is bestem en so is My kerk. Want Ek is Hy...wie is... wie is... wie is..."